








AUG


9200-

-9219











SAGITTA  
GENTILITIA,  
Tertio Pontificij Honoris Cælo  
ILLATA;

Summis Virtutibus & meritis  
ILLUSTRISSIMI, EXCELLENTISSIMI,  
ET REVERENDISSIMI DOMINI,  
D. VENCESLAI,  
HIERONYMI  
DE BOGUSŁAWICE

SIERAKOWSKI,  
EPISCOPI PREMISLIENSIS,  
Altiora Sacri Honoris fastigia  
DESIGNANS.

*Ad Sollemnem in suam Cathedram Ingressum, è Voto & Ap-  
plausu Almæ Universitatis Cracoviensis*

PER

M. ALBERTVM, CANTIVM BIEGACZEWIC,  
Philosophiæ DOCTOREM, COLLEGAM Minorem.

Officiosissimô Calamô


ADORATA.

*Annô Domini 1742. Die 30. Mensis Septembris.*

CRACOVIAE TYPIS VNIVERSITATIS.



# In Stemma ILLUSIRISSIMÆ DOMUS.



Tertius Axis adest, quô tollitur una SAGITTA,  
Attinget primos, ocyus illa Polos.

SEBASTIANUS in Zábce SIERAKOWSKI, CAPITANEUS Olša-  
nensis, Supremus Excubiarum Regni PRÆFECTIDES.

ANNVLVS in medium sinuatus prominet Orbem,  
Præsuleis meritís, integer Orbis erit.

FRANCISCUS de Bogustáwice SIERAKOWSKI, CA-  
PITANEIDES Mšanensis.

Non vacuis MANIBVS moles, non Sarcina restat,  
Subvectæ Celo, pondera Sacra ferunt.

JOSEPHUS de Bogustáwice SIERAKOWSKI, CAPITANEIDES Olšoviensis.

Aug 9 1845



ILLUSTRISSE  
EXCELLENTISSE  
PRÆSUL.

**M**agnitudini publicæ læ-  
titiae, ex Præsuleo Tuo  
profluentis Ascensu,  
plausu Nostro, guttam  
adicimus Academici. Quot namq;  
gradibûs ad honoris culmina pro-  
veheris, sublimaris ad fastigia, tot  
auctibûs Orbis Poloni lætitia gran-  
descit, tot incrementis publici am-  
pliantur plausus. Latius fontibûs  
funduntur, vasto commensurantur  
Oceano gaudia, cum virtutes Tuas  
excelsas, meritaq; in Patriam & Ec-  
clesiam summa, altioribus corona-



ri fastigijs lætantium; tùm de Ascen-  
su Tuo, optima quæq; sibi pollicen-  
tium. Gravis senio Studiorum Pa-  
rens Uniuersitas, solatia sua amplif-  
simis gaudijs miscet, partem publi-  
cæ lætitiæ complet, non tamen pro  
illius magnificentia respōdet. Plau-  
su breuem in paginam effuso, nihil  
illustre, præter Tuum Nomen; ni-  
hil à calamo pretiosum & magnum,  
præter Te ipsum, grādiaq; Tuorum  
Majorum, & Tua opera complecti-  
tur ac offert. Omnimoda reveren-  
tiâ & infimo cultu ANTISTI-  
TEM Te & SENATOREM,  
altiùs provectum veneratur. A-  
scensibûs Tuïs Illustrissimæ Do-  
mûs gloriam attolli, suam augeri  
fortunam gaudens; in Supremis Te  
suum PROTECTOREM vide-  
re fastigijs, me interprete precatur.



# PANEGYRICUS.

**P**Remysliensis Tiara, felici  
post Livoniensem & Camene-  
censem successionem, aureo Tuo  
incumbens Capiti, arrecto Cæ-  
lum versus ore tremulos scri-  
bentium calamos in Panegyricas  
urget paginas, sollicita ingeniorum cogitamina  
ad solennes auspiciatissimi Ingressus Tui provo-  
cat applausus **ANTISTES ILLVSTRIS-  
SIME.** Tot equidem ac tantis decoribus Pontificales  
adornas Infulas, ut si per naturam possent, solæ  
Tibi Panegyricas laudes, amplissima encomia lo-  
qui vellent. Solis more quodcunq; honoris in-  
grederis Cælum, in illud & nativos Illustrissima-  
rum Cerarum splendores & ferventissimæ ad  
Numinis aras pietatis invehis jubar. Intra bre-  
vem aliquot annorum effluxum, tertiam capeffis  
Infulam; ipsis Tyaribus ad Coronamentum Tuum  
contentione quadam accelerantibus. **Assur-  
guat**



gunt propero vere Pontificiæ violæ, repetito  
Majô Rosæ Purpurarum vernant, si trabeati in  
Zodiaco Ecclesiæ Soles accumulatam probè ge-  
storum diffunditis lucem. Impatiens diutinæ  
moræ, sublimior Attalanteis passibus emeritam  
virtutem insequitur honor, festinusq; illum de-  
perit Hyppomenem, cui pro aureo malo, omnia  
bene acta sunt ad manum. In verticem aurô &  
gemmis appretiandi Tui **ANTISTES ILLV-  
STRISIME** Capitis quidni confestim Episco-  
pales rotentur Tyaræ? Athlanteos in humeros  
ingentibus meritâs onustos, quibusvis ferendis  
oneribus pares, quidni sacre Trabeæ & Purpuræ  
confluant? In manus ad Ecclesiæ ornamenta tor-  
natiles, quidni Præfulei congerantur Scipiones?  
A Vavelli Coronis primò Te Livoniensis ad sin-  
gulare sui decus invitavit Insula. Camenecen-  
sis Tiara gemmas suas & pretium omne pro Tuo  
impendisset Capite, quod sola Tuorum merito-  
rum apud Serenissimum **AVGVSTVM TER-  
TIVM** æstimatione evicit. Pontificales violæ  
sacri Honoris Tui primitiæ, per rubentem Li-  
vonix Campum, uberrimum cumq; optimum  
Christi odorem diffuderunt. Tiaræ Camene-  
censi tot accesserunt gemmæ, quot Pastoralis su-  
doris guttas de Præfulea Tua Vigilantissimi **AN-  
TISTITIS** absterxit fronte. Integris torrentibus de  
illa Poloni Antemuralis Petra, amaræ ad absces-  
sum Tuum fluxissent aquæ; nisi saxei quoq; Me-  
mnones, Phæbea emeritæ virtutis luce excitati,  
si ad honoris augem provchatur, manifestos læ-  
titix conciperent sensus,

Quæ



Quæ & quanta Sacræ, quam hodie ingrederis  
Diœcesis solatia? quàm festivi Præmysliensis  
Terræ applausus? quàm confertissimæ gestien-  
tis acclamationes populi, Optimum Te PRÆ-  
SVLEM præcedant, circumstipent & comiten-  
tur, tenuis calamus describere non potest. Biceps  
terrestris Aquila utrumq; caput in pronissimam  
Tui adorationem inflectit. Indolet non plura  
sibi adesse pectora; quibûs conceptam ex Adventu  
Tuo immensam lætitiâ effundere vellet. Tutel-  
laris Cathedralis Basilicæ IOANNES totus difflu-  
it in gratias, quòd Ei Ecclesiasticis indefessus la-  
boribus, sacris curis associeris infractus. Præcur-  
sor Agnus, ad optatissimi PASTORIS aspectû  
lætas horeas & festiva tripudia ducit. Argenteus  
Iordanes nunquam lætiori amne insonuisse audi-  
tus, quàm hodie Te ANTISTITE in corda po-  
puli, Te PASTORE in oculos gregis illabente.

Vberrima hæc quâ Novus Præmysliensis  
PRÆSVL exciperis lætitiâ, sequaces illius plau-  
sus, jubili, & festiva Acroamata, non industriæ  
specimen artis, non scribentis inventum calami,  
sed excellentissimarum Tuarum virtutum, genu-  
inus sunt apparatus. Vt amareris, ut coleris ab  
omnibus, id rectefactis Tuis sæculorum memoriâ  
dignis meruisti. Quòd ora populi & post Te tra-  
has, & conceptam de Adventu Tuo lætitiâ edis-  
serentia præmittas; id Dijs placitæ, hominibus  
omni ævô in delicijs habitæ virtutis efficit amor.  
lactis radijs fulgentissimi Majestatem splendoris  
Princeps insinuat Planeta, antequam se totum  
lucido evolvat Orbe.



tudo, jam illorum animis clarissimum affudit  
jubar, quibus placidæ sidera frontis nondum re-  
velasti. Ingens Tui Nominis æstimatio, jam eò  
pertigit, quò solus necdum pervenisti; imò e-  
tiam, quò Præfuleum necdum movisti pedem.  
Adhuc non visus, jam omnibus notus occurris,  
clarius tamen & illustrior, quàm Te præcedens  
poterat depingere fama. Oculis eorum affulges,  
in quorum corda magnitudinis Tuæ parellia  
jam jecisti. Inveheris in illorum conspectus,  
quorum mentibus Tua Optimi PRÆSVLIS  
os humerosq; Dijs similimi jam inerat Idæa.

Auspiciatissimo ad Præmyslensem Cathe-  
dram hodierno Ingressu, quò Sacram Dicecesim  
ab expectatione absolvis, numerosissimi Cleri  
desideria, celeberrimæ Urbis vota adimplēs, o-  
culos præstolantis gregis Optimus PASTOR  
exsatias; studiosa deprædicandæ virtutis ingenia,  
anhelo in applausum Tuum certamine conten-  
dunt. Citato eoq; felicissimo ad Honoris Altum  
Gentilitiæ SAGITTÆ cursu scholasticæ pennæ in  
elogia, calami in Panegyricas urgentur paginas.  
Illustrissimarum Cerarum splendore, quibûs To-  
tus circumfulges, lumina Oratorum ad dignita-  
riæ Tuæ lucis assistentiam provocantur. Nul-  
læ ergo Xerxis catenæ literarium detinebunt  
Helespontum, quin Tibi altiùs progredienti pe-  
dissequo applaudat amne. Nec dissita locorum  
obstabunt spatia, quin de remotiori quoq; Par-  
nasso applaudentes PRÆSVLEO Tuo Ascensui,  
Musas, in Patricij ANNULI conspicias gemmâ.  
Festino motu non de uno Horizonte scholastici  
aguntur



guntur soles, ut festivum Pontificij Tui ad Præmysliensem Cathedram Ingressûs diem, utriq; transmittant Hemisphærio. Lucus Academicus cum nihil splendori gloriæ Tuæ suppetens, in publicam proferat lucem, nativas umbras fideles Phæbiascendentis Comites, Tuæ in Academicos Protectionis Hieroglyphicas Panegyricis folijs affundet. Cracius Regalis Apollo palmarum Gentiliæ SAGITTÆ explorans cursum, in Tertio Pontificij Honoris Cælo sublimiora virtutibus & meritis Tuis designantem fastigia, officiosissimo adorabit stylô.

**S**Vperstitionis, non Divinæ susq; deq; disponentis omnia legis observantior vetustas, ad summa honorum connitentes culmina, nonnisi fatigatis prius Tripodibus, Cyrrhâ & Apolline sollicitatis provehebat. Pulsatæ Deûm Cortinæ, jam Hammonius Iupiter, jam præsagus furorum Gerion, jam fatidica de responsis petebatur Themis, ut cupida eminen-di ambitio, si iusta defuissent suffragia; quæ fervidis sibi destinaverat votis, fortunæ & honoris fastigia occupasset. Præter Tripodum Divino callentium Numine oracula, præter sacrorum Flaminum Diali venerandorum Apice responsa; sani vacua consilij, ex oscinum cantu, ex solistimis pullorum tripudijs, ex evandis in æthere ostentis, ex sollicita siderum Cælestiumq; investigatione signorum ducta auguria, formata vaticinia, omina & præsagia, multos Thronis & Solijs intulerunt. Taliter verò exploratæ celsitudinis argumenta, casui & ambiguis erranti passibus



sibûs innixa fato, rarò ad vota & præcogitatos succedebant eventus, ad retinendum quæsitæ Dominationis culmen rariùs profuerunt. Duodenum rapacium vulturum agmen, Appenini Colliis superfusum fastigio, in Romulum Romanæ Imperium coniecit Urbis, subridentibûs tacitè fatis; tantæ Conditorem Monarchiæ, ad cænosam Capreæ paludem sacrilegîs Patrum manibus esse discerpendum. Prodigiola flamma, faustè quidem Servio Tullio ad Regalis trabæ præluxit fulgur, eum tamen à funesto vitæ & Regni, vesana soceri ambitione inductô non vindicavit occasu. Ad Aras victricium legionum, quæ Tyberio in Philippis moranti, ad capeßendi Imperij omen, subitîs exarserunt ignibus, simul in tantam Ejus ignominiam conjurarunt fata, ut frigidum famosi in Purpura Lani-onis cadaver, nec rogo publicô dignum censere-  
tur. Longè felicius Imperium Octavio Augusto flammeus Solis Orbem circumambiens portendit arcus. Quoad vixerat, non minus in Solio, quàm in subditorum cordibus regnabat Cæsar. Invidis ereptum fatîs, nemo satîs luxisse se credidit, quilibet aut nunquam vixisse, aut nunquam mortuum fuisse peroptabat. Cælô nempe Supremam per signa sua spõdente terrigenis sortê, nihil non ad fortunæ, nihil non ad honoris evenit incrementum.

Gentilitia Tua ANTISTES ILLV-  
STRISIME SAGITTA, Diis Ipsis attollendæ  
& decorandæ allaborantibus virtuti, dum in Ter-  
tio Pontificij Honoris refulget Cælo, sublimio-  
res in



res in Ecclesia DEI portendit ascensus, altiora  
trabeatae dignitatis ingentibus Tuis meritis &  
virtutibus fastigia designat. Volucris enim  
comparatae longo saeculorum tractu famae instru-  
cta pennis, vastum Honoris iter, non interrupto  
emetitur cursu. Per Senatorias Curules, per  
Regni subsellia, per prima dignitatum in Orbe  
Lechico volitans Culmina, in honorariae Celsi-  
tudinis Campo indeffessa observatur. Quod-  
cunq; publici muneris, quodcunq; dignitariae  
Eminentiae attingit punctum, in illo immortalis  
vestigia famae absolvit, sed cursu non terminavit.  
Herculeo nifu ad omnes dignitatum gradus elu-  
atae, nequit inscribi Herculeum illud: non  
Plus Ultra. In quo honoris culminat fastigio, ad  
quod dignitatis evolat culmen, non terminus ho-  
noris est, sed gradus ad altiores. Cum missili  
Amphiarai arundine eadem sorte concordat, sed  
termino discrepat & meta. Illa valida manu  
leves impulsa in auras, non nisi in imam  
ab alto decidua humum, virides frondescebat in  
lauros. Haec a tot saeculis in Alto Honoris fixa,  
in victrices Corymbos, in bellicas Martis Clavas,  
in Directorales Scipiones, in Mercurianos Cadu-  
ceos, in Consulares Virgas & Secures, inq; o-  
mnigenos immarcescibili germine explicat se  
dignitarios Fasces.

Ad Sacra Culmina per Te Primum ex SIE-  
RAKOWSCIS Illustrissimum sublimata AN-  
TISTITEM, novo sed saecundissimo vere in  
Episcopales Violas, in Pontificales Tiaras &  
Vittas reflorescit. Aliquid novi semper pra-



sagiunt, quæ vel diu non visa oculis se manifestant humanis, vel nova in Cælo emergunt signa. SIERAKOVIANÆ Domus SAGITTA, cum in omnibus ferè sæcularium honorum indefinenter refulserit sphaëris, in Pontificiæ dignitatis Cælo, sive diu non visum, sive novum ostentum est, est tamèn omninò prognosticon ad sublimiores ascensus auspicatissimum. Sexaginta quatuor, supra unū sæculum effluerunt anni, ut Gentilitius hic Sagittarius cum LVCA KO-SCIELECCIO, Præmysliensi ANTISTITE Tiaratus culminavit. Post duorum propè sæculorum interventum, ex continuata pervetustæ Familiæ Linea, idem profectò, sed diu in Sacris non visus trabeis affulget. Vt unus plurium distinctorum Nominum significatorem agit, cum TE SIERAKOVIO, Primo ex hac Illustrissima Domo ANTISTITE, recenter oriundus, sed per gemmeos Infularum Orbes, celerimo mobilis gradu observatur. Prima vice Præmysliensi Horizonti Gentilitius OGONCZYK, in KO-SCIELECCIO PRÆSVLE exhibuerat se visendum. Iuxta successionem Arithmeticam, in TE ILLVSTRISSIMO SIERAKOVIO Præmysliensi ANTISTITE, super eundem orbem secundò conspicitur, juxta practicum ad sublimiores ascensus successum secundissimè. A fastigio Præmysliensis Tiaræ, ad Posnaniense usq; Summum, Gentilitiam provexerat KO-SCIELECCIVS SAGITTAM. A TE ANTISTES ILLVSTRISSIME, quò majori meritorum oneratur pondere, eò celsius est sublimanda.



manda. Tertio Sacri Honoris illata Cælo, sum-  
mos in Ecclesia DEI, summis Tuis meritis por-  
tendit Apices, sublimiora non vano omine,  
fastigia præsignat.

Palmarem pluribus coævæ sæculis gloriæ  
Cursum, Gentilitia unde exorsa fuerit SAGIT-  
TA, dum officiosissima explorat penna, extra.  
Lechicum abripitur Orbem. Magnorum quip-  
pe Nominum lux, non inde emergit, ubi co-  
rusco diffunditur jubare, sed meridionantis æmu-  
la Phæbi, ortum ducit à longinquo. Morem Si-  
derum gerit; quæ cum ubiq; intima, ubiq; præ-  
sentia videantur, nativo Orbe sunt remotissima.  
Illustrium Familiarum Insignia, non unum Ho-  
rizontem illustrant, non uno sub climate ful-  
gent. Pluribus Regnis, pluribus Provincijs na-  
tivam communicant lucem, etiamsi longius à  
suo recesserint fonte. Pervetusta Domûs SIE-  
RAKOVIANÆ arma, à Lechico Orbe pro  
Ancilijs Christianæ Fidei, pro singulari Patriæ  
honorata munimento, primam sui originem, in  
pressa protunc continuis bellis, sed sæcunda dex-  
terrimorum Bellatorum Moravia acceperunt.  
Ingens hostium colluvies, subito Moraviæ in-  
fusa, heroicos non deteruit animos; ne aliquis  
pro Troja sua, non animosus excurreret Hector.  
Bellacissimi Cives, in externū militem, Moraviā  
populantem, provolant sine mora. Focis &  
laribus abjectis, in confertos hostium manipu-  
los, Patrium gravantes solum, armis & ferrō e-  
xercitas conferunt manus. Pugnat quisq; Mo-  
ravita deterrimè, & triumphat in acie; ast Do-

D

mus



mus suæ, nullo custode tenentur. Hostis qui victorem effugerat gladium, victoriæ famelicus, prædæ & spolijs sitiens, palabundo hic illic agmine, in vacuam præsidio, unicæ ex Principe **ODROVAZYORVM** Familia Hæredissæ incidit Domum. Barbara manu quæ in armatis erraverat, in inermem sæviente sexum, unica nobissimi Sanguinis gemma pupillusq; **ODROVAZYANÆ** Prosapia Decor, rapitur, vinculis innodatur, & abducitur. Post tot hostiles victimas, Moravo absumptas Marte, Princeps Moraviæ Virago, jam profectò in turpem hosti cesserat offam. Boni tamen Superi, protensis ad sidera manibûs opem suam imploranti, captivæ Perseum Andromedæ destinaverunt. **PETRVS** ille de Radzikow dictus fuerat, virium robore, suo Nomini consonò pollens, incomparabili animi dexteritate Clarissimus Moravita. Lamentabili captivæ impulsus gemitu, unus numerosum auffugientium cum tam nobili præda, insecutus agmen & assecutus. Vix strictò ferrò, alios in fugam more pecudum egit, raptorem valido contortæ cuspidis confodit ictu, captivam Principissam, fortunæ, vitæ, & quæ totò non bene pensatur auro, auræ restituit libertati. Ex crudeli barbari militis manu, ceu ex medijs Cerberi erepta faucibus, titulis Celsissima Avitis Virago, Vindici suo **PETRO** de Radzikow, medium fracti annuli Orbem, in tesseram continuandæ integrâ vitâ gratitudinis offert. Post exacta Martis negotia, reduci ad otia pacis Bellatori. Quæ ex rupto annuli pignore, suum Assertorẽ cognovit,



vit, Princeps Hæredissa, promissam non rupit  
fidem, imò vinctas in Matrimonialia fædera  
porrexerit manus. Ad Deorum Aras, pronubæ  
Hymenæi flammæ, æternum in grato pectore  
ardere ignem, sunt testatæ. Parum id fuerat;  
nisi quoq; devinctissima suo Mausolo Arthemisia,  
Gentilitios Celsissimæ Familiæ splendores,  
in perenne recepti beneficij conguessisset monu-  
mentum. Ex ODROVAZYANIS igitur,  
Armis, mediam SAGITTAM, pro trabali lan-  
cea, quâ barbarus raptor confectus succubuit,  
placuit reservari. Pro lanuginibus, à quibus  
Stemma ODROWAZ dicebatur; medius AN-  
NVLVS Assertori pro pignore datus, ad æviter-  
num servatæ Fidei Testimonium, est subvectus.  
Aureæ Coronæ, post amotas Pavonis pennas,  
binæ Virginis MANUS, quas Deum hominūq; opē  
implorans, Cælum versùs protendebat superpo-  
sitæ. Attendat hic Orbis, qui Gentilitia Familia-  
rum Decora, solius pretiō virtutis dispensanda de-  
crevit. SIERAKOVIANÆ Domūs Insigne, plu-  
rima clarissimæ Virtutis Insignia præsentare. Ex  
pluribus signis nobilissimū hoc cōaluit in Mora-  
via Stemma, plurimīs virtutū Testimonijs con-  
stat, imò totum, solius virtutis compositum est.

Stemmati novo, denominatio quoq; nova,  
danda erat. Super Galeam pugnantis Va-  
lerij Messalæ, delapsus sorte quadam Corvus, in  
Stemma Familiæ cessit, & Nomen CORVI-  
NIS dedit. Arma SIERAKOVIANÆ SA-  
GITTÆ, à PETRO de Radzikow, quòd barba-  
rum cum rapta aufugientem Virgine, celerimē



insequeretur, **POGONCZYK** appellata. A  
primo **PETRI** Filio, Paternum **OGONOVII**  
retinente Cognomen, **OGONCZYK** dicta. Ab  
altero **POWAŁA** vocato, **POWAŁÆ** deno-  
minationem acceperunt. Clarissima Magno-  
rum Aborigenum Progenies, Orbis Poloni de-  
cora, Liberæ Gloria Gentis Illustrissimi **SIERA-  
KOVII**; etiamsi mille in Agnomen Vestrum  
concurrissent Tituli, omnium significationem  
expleretis. Si Vos Orbis Lechicus **POGO-  
NOVIOS** vocat; dexterrimo Spiritu in media  
hostium ruitis castra; Avitorum terrore armo-  
rum, integras dissipatis Phalanges, dissipatas pro-  
pellicitis, pulsas victrici insequimini manu. Si  
**OGONOVIOS** dicit; Patriæ prognostica tri-  
umphorum Sidera, hostili potentiæ formidabi-  
les ceu ex Draconis cauda Cometæ estis. Si  
**POVALIOS** appellat, ad Suprema ingentium  
de Patria meritorum assurgitis fastigia, sublimia  
dignitatum Culmina tenetis, altissimos in **Æde**  
**Honoris** attingitis **Tholos**. Genus Familiæ  
Vestrae, à prima sui radice, quidquid in **ODRO-  
VAZYANA** Domo splendoris, quidquid Cel-  
situdinis, quid erat Magnificentiae complexum;  
dici aliter non poterat; nisi Supremum, nisi  
Celsissimum. Novella Domûs Vestrae Planta,  
in grandem Maximarum Familiarum se proten-  
dit molem. In puncto, ad eam sublimitatem  
assurrexit, quæ alibi per longa intervalla coale-  
scit. Prima Nobilissimi Sanguinis Vestri Sca-  
tebra, in Phrygium se laxavit Scamandrum, scu-  
ta Virûm & chalybeas Martis galeas volventem.  
Sido.



Sidonium in Rubiconem diffudit, in quo tot  
Dinastis Purpuræ, tot Proceribus Dibaphæ, tot  
Senatoribus Murices; Tibi verò ANTISTES  
ILLVSTRISIME Pontificales Trabeæ, Sa-  
cro erant tingendæ Ostrô.

Amplitudini illius lucis, quæ in primo O-  
GONOVIORVM Familiæ diluculo, ad me-  
ridionalem ascenderat gradum, nimis exiguum,  
fuerat Moraviæ Clima. Ad hanc, quâ nunc e-  
minet Regnatricis Monarchiæ Majestatem, per  
rutilos gladiatorum fulgores, caput suum erigebat  
Polonia, cùm PETRVS & ANDREAS O-  
GONOVII, ex vicina in Eandem Moravia ad-  
venerunt. Orba mænibûs, sola acie & planicie  
cincta Lechica Sparta, Dexterimos Herôas ada-  
mantinum pectorum robur, pro Argivo Cli-  
peo gerentes, ad suum libentissimè præsidium  
excepit. Nobile Par Fratrum, animæ ad præ-  
lia natæ, gemini Patritio telô metuendi Orio-  
nes, in Lechicum delati Cælum, ad utrumquè  
Poloniæ axem Gentilitiæ fulgorem protende-  
runt SAGITTÆ. Major natu PETRVS in  
Majori Polonia, super Nominis sui Petra, an-  
gularem perennaturæ sæculis Domui lapidem,  
primaq; fundamina jecit. ANDREAS in Mi-  
nori consedit, eandem pari Maximis Familijs  
stirpe adaucturus. Nobilissimi Advenæ divisi  
locô, heroica dexteritate indistincti, neoadscitæ  
in defensionem Patriæ, ceu unus Martis spiri-  
tus essent, uno nisu, uno ferebantur conatu.  
Familiam quam in fulcrum & ornamentum li-  
beri propagabant Regni, primò à bonis Koście-

E lec de-



lec denotabant. Temporis successu, fortunæ maximis comparatæ meritis notabili auctu, à bonis Sierakow in Cujavia còemptis, SIERAKOVIORVM assumpserunt Cognomen. Hic jam adoratore calamo scribenda Illustrissima SIERAKOVIORVM Nomina; sed quomodo describenda? quæ transcendentalem numerû important. Honorari debent, numerari non possunt, Antecessores Tui, ANTISTES ILLVSTRIS-SIME. Præter oraculi effatum, Polonis ex annalibus constat, quòd omnia bonorum Virorum Nomina, in unius Gentilitij Tui ANNVLII gemma sint conclusa; sed illa numeri species, quâ recenter possint, non occurrit. Persarum quondam Regibus, suorum militum numerus, tot sagittis inscriptorum, quot expediebantur ad bellum, certissimus constabat. Vni Gentilitiæ SAGITTÆ, quot Bellatorum, quot Regni Procerum, quot Senatorum, quot Illustrissimorum in libera Gente SIERAKOVIORVM Nomina, gemmeo immortalis gloriæ charactere impressa sint? peritissimis Archimedibus perarduum computare. Gemmæ Sanguinis Tui ANTISTES ILLVSTRIS-SIME, Lechici Regni adornaverunt Coronam, quis eas in aliquot brevis Opellæ folia colligeret? Illustrissimi Aborigenes Tui, totos annales, integros fastos, plurima Regni volumina reple-runt, Nomina Eorum, quis in exiguam redigeret synopsim?

Pluribus SIERAKOVIIIS, quos compendi-osa non potest capere Panegyris, alto adoratis silentiò



silentiô, Nobilissimum aliquot ex Tuis Majoribus  
Agmen, **VENCESLAUS SIERAKOWSKI**  
**VEXILIFER BRESTENSIS**, Præsuleo Tuo In-  
gressui in applausum ducit. Innui **VENCE-**  
**SLAVM**, Polonæ Gloria Gentis, Illustrissimæ  
Familia Decus, Lechici Martis Dextera Manus,  
Civium Amor & hostium Fulmen dicendus erat.  
Sub gemino **VENCESLAI VEXILLIFERI La-**  
**baro**, Pallas & Bellona, Gloriæ suæ duxit militasse.  
Illa animorum triumphos, hæc hostilium armorû  
trophæa in **VEXILLIFERUM** congerebat. Dex-  
terimus in Castris martialibus Bellator, heroica  
hostes vincebat manu; in Comitialibus Regni  
certaminibus, quidquid ad persuadendum obve-  
nerat, sublimi evincebat ingeniô. Ob eximias  
animi dotes, ob singularem rerum gestarum pe-  
ritiam, & felicissima gerendarum consilia,  
Principibus in Republica Viris, in prima æstima-  
tione habitus, Proceribus Regni & Magnati-  
bus summopere dilectus. Iusti amoris flammâ,  
quam in eximij Viri prudentiam excellentissi-  
masq; dotes, Illustrissimus in Tarnow **COMES**  
conceperat, non aliter, nisi delectô ad Nuptiales  
Filia suæ thædas **SIERAKOVIO**, poterat mi-  
tigare. Optimo Civi Illustrissimam providit  
Sponsam **TARNOVIVS**, Domui **SIERAKO-**  
**VIANÆ** bonorum Boguslawice Hæreditatem  
adjunxit. Vibius Accus Romanæ ad Capuâ  
Præfectus Cohortis, ut fervidiores in milite suo  
concitaret animos, trans Punicum Vallum, Ro-  
manum projecerat Vexillum. **BRESTENSIS SI-**  
**GNIFER SIERAKOVIVS**, cum non unum



extorsisset hosti, Patrium sibi, nulla vi, nullo ro-  
bore eripi permisit. Nec illud unquam fortunæ  
concredidit manibus, quam tamen Brestensis Pa-  
latinatûs Equitis, individuum commilitonem ef-  
fecit. Laude Nominis sui & laudatissimos vicerat  
**VENCESLAVS**, rectè factorum gloriâ felix,  
plausu populi insignis, **BALTHAZARO** &  
**IOANNE** Filiis; Nobilissima Prole beatus.

**BALTHAZAR** sub Regio Nomine, alti-  
orem supra evanidos sæculi fastus animum ge-  
rens, summa magnanimitate, Mundi Titulos &  
honorum fastigia despexit. Certius Regnum  
in **DEI** servitute ponens, Religiosam elegit vi-  
tam. Patritijs Purpuris cum Norbertano habi-  
tu commutatîs, Præmonstratensis in Strzelno  
Præpositus, Sacræ Familiæ laudatissimo præfuit  
Regimine, optimo profuit exemplô. Religi-  
osas inter umbras satis Illustris; quas vitæ in-  
nocentiâ, Sanctimoniâ cordis, ferventissima ani-  
mi pietate reddidit illustrissimas. Illustrissimus  
**IOANNES** de Boguslawice **SIERAKO-**  
**WSKI**, primò Regni **REFERENDARIUS**  
simulq; **CASTELLANVS** Lendensis; omni  
dicendi genere sublimior, & omnibus encomijs  
major. Præstantissimis naturæ, animi & fortu-  
næ donis, quæ divisa plurimos efficerent bea-  
tos, sæculi sui gloria fuit; Procerum Phænix,  
Regum Amor, Civium Admiratio. Fideli-  
bus in Reges obsequiis, in Patriam meritîs, a-  
more in libertatem, prudentissimis in bonum  
commune Consilijs, sumptibus in publica com-  
moda impensis, nemo major surrexit hoc **IO-**  
**ANNE**



ANNE. Sub SIGISMUNDO AVGVSTO,  
Ordinibus Regni ad Generalia Comititia primò  
convocatis, IOANNES SIERAKOVIVS au-  
reum libertatis os, & augusta Reipublicæ Vox  
auditus est. In Mareschalcum Comitiorum e-  
lectus, ea oris gratiâ, ea comitate sermonis, ea e-  
loquij fœcunditate AVGVSTVM REGEM  
salutavit, ut omnibus in confesso esset; IOAN-  
NEM Attica comedisse mella. Inter Palati-  
natuum Legatos, Ipse Mercurius; inter tot Or-  
dinum Mercurios, Ipse Iupiter Stator; inter tot  
consultantes Statores, Ipse fœcundissimus  
consiliorum habebatur Tripus & Apollo. In  
Directorali illa Generalium Regni Comitiorum  
functiōe, capacissimum ad summa quævis  
negotia animum suspexit in SIERAKOVIO  
AVGVSTVS, Eundemq; maiores ad functio-  
nes destinavit. Vandalus Poloniæ ubi in Bal-  
thydem se exonerat, rerum copiâ, & prospero  
fortunæ afflatu cæperat insolescere. In celeberrimo  
totius Borusis Emporio, dubium an à  
secundo Vistula, an à proximo mari turbidæ  
inhorruerunt procellæ. Ad componendos hos  
fluctus quis Arion? ad sedandos Gedanensium  
morus quis Mercurius? SIERAKOVIVS.  
Plenaria cum potestate ab AVGVSTO REGE  
& Serenissima Republica COMMISSARIUS  
Delegatus, ex utriusq; voto rem gloriosissimè  
perfecit. Sola oris Majestate poterat explicare  
COMMISSARIVS, quam REGI suo obedien-  
tiam, solo augustæ frontis honore, poterat edoce-  
re Gedanenses SENATOR, quam Serenissimæ



Reipublicæ deberent reverentiam. Incomparabili rerum gerendarum prudentiâ, consummata legum peritiâ, innata ad maxima quævis negotia activitate, discordantes composuit, discolos sedavit, insolentes compescuit, cœrcuit crystamarrigentes. Urbem illam, quæ à STEPHANO BATHOREO ferrô ad officium redigenda erat, Polonus Cyneas, aureo eloquiô ad obedientiam REGIS, ad Reipublicæ reverentiam, ad observantiam legum, ad optimum Ordinem reduxit. A Castellana Lendenſi, *CALLISIENSIS* meritissimum SENATOREM receperat Curulis. Palatinali demum *LECICENSIS* illatus; eandem Herculeis tum pro Patria, tum pro Sacra Orthodoxa Religione, ex antlantîs laboribus implevit, adornavit. Gentilitiis MANIBUS aureos videbatur conclusisse fontes, quos in usum Patriæ, in Regni commoda liberalissimè profundeabat. Congestas opes & omnem fortunæ amplitudinem, communis boni incrementis & publicæ felicitatis integritati consecravit. Tribus Interregnis, nempe post Regia SIGISMUNDI Secundi, & STEPHANI BATHOREI fata, post dolendum HENRICI VALESII ex Regno abscissum, ter pupillæ in subsidium Poloniæ, nullis sumptibus, nullis pepercit impensis. Quam felicia illa tempora, quibus cùm Augusta desinerent Capita, SIERAKOVIANÆ MANUS Poloniæ felicitati consulebant. Augustissimis REGIBVS, alijs ereptis fatô, alijs avocatis, res nimisùm angustæ Poloniæ imminebant. Ne irruis-

sent



sent improvifo agmine, Optimus SENATOR  
tempeftivis obftitit confiliis, amantiffimus Civis  
oportuna præfidia providit. Imo Pater Patriæ  
dicendus, qui toties proprio ære numerosum  
confervavit militem, fumptibus fuïs plurimas  
Cochortes & legiones fufinuic, ne illa alieno pa-  
teret ferro, vel fieret præda furentium. Egit  
Camillum pro Patrijs focis, pro Divum Aris  
Numma pientiffimus ftecit. Aliquam gem-  
mam ad minimum veneni fenfum, fudoreis of-  
fundi guttis, arcanorum naturæ Indagatores fcri-  
bunt. Nobiliffima Aviti ANNULI Gemma E-  
cicciensis PALATINVS quantum non æftuat  
vit, quantum non defudavit, Idum SIGISMVN  
DI II. temporibus, venenofa Mamalucorum  
Hærefis, non per modicos invalefceret auctus.  
Exitiofa illa peftis, non occultis cuniculis, fed a-  
pertis per Poloniam fe protendebat venis. Ser-  
pebat per vicos & pagos, per numerosa Oppida,  
per populofas ampliabatur Vrbes. Verfabatur in  
Magnatum Aulis, in Procerum Palatijs regnabat,  
in publicis foris patentia theatra habuit, ipfam  
Curiam, togatumq; magna ex parte invaferat  
Senatum. Extruebantur paffim exofa Numini  
fana, damnofi Lutheri errores deprædicabantur  
ex roftris, adverfi Orthodoxæ fidei fenfus expli-  
cabantur liberè, & liberè fufcipiebantur à multis.  
Parum aberat, ne peffima feéta, Reipublicæ  
difsecuiffet Corpus. Fæderabantur non postpo-  
nendis agminibus diffidentes, in Regni Con-  
ventibus fummis difturbiis fummis, diffidentium  
conatibus, de Religionis contendebatur liberta-



te. Gens DEI electa quibus non convitijs?  
venerandum Cleri Nomen, quibus non laceffe-  
batur injurijs? Tartaream Stygem pestifero ha-  
litu vomens Hydra hæc, quæ de vicinis mon-  
tibus in Polonos irreplerat Campos, eò formi-  
dabilior erat, quò potentiorum alebatur favore,  
viribûs nitebatur. Multum de Religione, mul-  
tum de vero Numinis agebatur cultu, ne ple-  
nè actum fuisset, Giganteos hæreticorum as-  
sultus SIERAKOVIANÆ represserunt MA-  
NVS. Generalibus in Comitijs, Pericleo in-  
Dissidentes detonavit PALATINVS ore, o-  
mnes curas, omnes ad hoc impendit conatus,  
ut ex libero Regno, pessima pro privato cujus-  
vis arbitrato, sentiendi de DEO exulasset liber-  
tas. Polonus pro Aris Hercules, Avernalem  
Hydram jam non uno capite tumentem, flam-  
meo animi zelô & victrici quod necdum ex va-  
gina exemerat ferro triumphavit. Immortale  
SIGISMUNDI AVGVSTI opus, quòd Li-  
thuania in unum Reipublicæ coâluerit cum  
Polonia Corpus. Non minus Regiô SIERA-  
KOVII factum, quòd nefaria hæreticorum se-  
cta, à corpore Reipublicæ sit avulsa. Pro de-  
fensa Religione, non tantùm Senatus, Cives,  
totusq; Polonus perennes PALATINO gra-  
tias est restatus Orbis. Ipsum Christianitatis  
Caput Roma, HOSIANO Pede, quò Poloni  
Nominis gloria super Tarpejos assurrexerat,  
Colles, solennes Zelatori fidei SIERAKOVIO  
iverat in applausus.

OPTIMATEM Hunc optimis meliorē, nun-  
quam



quam satis dessevisset Polonia, nisi in Filio Genitorem, in STANISLAO SIERAKOVIO KOVALIENSI primum, postea LENDENSI CASTELLANO, etiam post fata Superstitem vidisset IOANNEM. Generosissimus quippe Magnorum Virorum Sangvis, nunquam totus ad mortualia marmora frigescit. Animos posterorum, in quorum fibras descendit, servidissimo ad seria quævis & laudatissima inflamat æstu. Heroæ Proles, dilatando vastæ gloriæ succedentes theatrò, avitæ scenam continuant virtutis, Magnorum Personas induunt Parentum, circumferunt & præsentant.

STANISLAVS Paterna exempla pro regula agendi statuens, vitam suam ad normam & amissim Magni Parentis componens, inter triumphales Martis Poloni Viros, Metellis & Scipionibus par; inter Senatûs oracula Cato; inter libertatis Zelatores Cassius Assertor; in omni virtutum genere, viva Patris promittit Imago. Non parvum Senatorio Murici affudit ruborem, sed ab illo derivatum sudore, quem fervidus boni publici amor, per ingentium in Curia curarû æstus, de sollicita gloriosissimi SENATORIS exprimebat fronte. Nunquam Stationarius STANISLAVS; in CASTELLANA sedendo Curuli minimè quiescebat, quoties publicæ fortunæ Cardo, in Consultantium prudentia vertebatur. Accumulatâ ingentibus meritis Patria, IANVSSIVM, MARTINVM, & LVCAM SIERAKOVIOS; ex ANNA BIALINSKA, CRUSVICIENSIS

G

CASTEL-



*CASTELLANI* Filia progenitos, Regno in subsidium, Illustrissimæ in augmentum *D O. MUL* reliquit.

Ternio Magnorum *STANISLAI* Filiorum, quàm gloriosissimis decoribûs Illustrissimæ Lineam adauxerit Familiae, Poloni facti & annales loquuntur. *IANVSSIVS* de Bogusławice *SIERAKOWSKI*, Brestensis Cujaviensis *CASTELLANUS*, roseum Senatoriæ Purpuræ jubar, trabeatus Castellanae Curulis vertex; in augusto Procerum Senaculo, acsi in Numinum confessu, non bifronti similis Iano, sed prudentissimus videbatur Ianus. Orbis Historiam, optimam gerendorum Magistrum, ita in vasti tabulam transtulerat animi, acsi se Authore scripta, aut gesta fuisset, se spectatore. Rerum Orbe ferme toto gestarum benè gnarus, de optimis futurorum successibus optimè confulebat. Caput Ejus licet non geminum, sed verè gemmeum, humanâ major prudentia sic rotabat; ut uno vultu in id, quod agebatur intentus, altero hoc attingeret, quod fuerat secuturum. Ex specula Sapientissimi Judicij, sudum vel nubilum observans mane, præscius quid serus veheret vespere, imminentes à Reipublicæ Navi, tempestivis consilijs avertebat procellas. Magnus *SENATOR*, cum satis Nominis sui gloriæ vixerit, publicis commodis etiam Platonicos non satis vixisset annos. Et post fata tamen Patriæ bono non defuit, qui Senatorio Murice, ad pullam mortis contortô, augusti paludamentum animi, in *STEPHA-*



PHANVM, REMIGIANVM, SIMONEM  
& SAMVELEM SIERAKOVIOS, di-  
gnos se tanto Genitore Filios protensum, ad  
insigne Regni ornamentum, ad singulare Pa-  
triæ, Fidei & Libertatis obtulit tegumentum.

Fulsissent ô utinam diutiùs! clarissima hæc  
de signo *SAGITTARII*, Polono in Horizonte  
Sidera. Certò certius Senatorijs Trabeis, tra-  
ctam à Phæbo Parente nativi splendoris affu-  
dissent lucem, dignitarijs Sellis *SIERAKO-*  
*VIANI* Celsitudinem invexissent Nominis,  
Lechicum Orbem, fulmineis in hostes obarma-  
sent flammis, meritorum fulgore illustrassent.  
Verùm edentulis fatis majorem illæ uvæ acu-  
unt famem, quæ Autumnum faciunt in Apri-  
li. Avidior sub falcem suam eos vocat Libi-  
tina flores, qui ante Majum ad fæcundam as-  
surgunt messem. Cælum ipsum præmatura  
terrarum deperit solatia, & quæ ultra mortali-  
um affulgent dotes, celerius ab Immortali-  
tate rapiuntur. *STEPHANVS* Qui ab  
ineunte ætate in pretiosam Illustrissimo No-  
mini, & victricium laurearum feracem Polono  
Marti adolefcebat Coronam, fatalibus suffoca-  
tus Cupressis. *SIMON* Qui Mauritanæ adin-  
star Atlantis, proceros sub arduam bellorum  
molem erigebat lacertos, mortuales in cineres  
resolutus. *REMIGIANVS* perfectissima mo-  
rum & literarum collectione commendatissimus,  
in hoc solo videtur injuriatus fuisse; quòd non  
relicta decessit Prole. Si tamen aliqua injuria  
dicenda est; cum virtus, natura & fortuna, o-



mne perfectionis punctum, quod in posteros  
partitura erat, in uno REMIGIANO ab-  
solvisset. Tanta animi fortitudo, tantum in-  
natæ ad omnia activitatis enituit in SAMV-  
ELE robur, ut secretissimis Imperantium ar-  
canis meruerit admoveri. Sacræ Regiæ Maje-  
statis *SECRETARIUS*; Principis mentem fe-  
licissimo penetrabat illapsu, consilia suppedi-  
tabat prudentissimè, consulta retinebat, con-  
servabat fidelissimè.

Etiam si liberaliori rivô Atticæ Hyblæ, & in  
unum congesta fontem omnia Rhetorica fun-  
derentur flumina, adhuc ad Altum perennan-  
tis gloriæ Illustrissimi MARTINI de Bogu-  
śawice SIERAKOWSKI, Inowłodaviensis  
*CASTELLANI, CAPITANEI* Przëdecensis de-  
crescerent. Et ferri acie potens, & ingeniô di-  
ves MARTINVS, vectigalem Nomini suo  
Eloquentiam, immortalium amplitudine gesto-  
rum, ad verborum inopiam redigit. Dexterri-  
mus in bello Miles, in pace prudentissimus re-  
rum Polonarum Stator, Sagum Victorijs; To-  
gam consiliorum triumphis adornavit, illustra-  
vit. Nunquam vivente hoc MARTINO la-  
cerum videbatur Reipublicæ Corpus, cui te-  
gendô non solas Chlamidis lacinias, ast ipsa vi-  
scera ad omnem sanguinis & fortunæ pro-  
fusionem scindere paratus erat. In singulos  
Patriæ usus, non liberalē, sed profusum se exhi-  
buit, in ornamenta Illustrissimæ *DOMUS* non  
parcus fuit. Tot illam nobilissimis unionibus  
ditavit, quot Filijs de thoro ANNÆ ZALIN-  
SKA



SKA CASTELLANIDIS GEDANENSIS  
ex Illustrissima KOSTKOWNA, SAN-  
DOMIRIENSI PALATINA progenitæ su-  
sceptis, adauxit adornavit.

Assurgant hic Catones oculi, ad PRÆSU-  
LEÆ Celsitudinem Familiæ, non tantum Illu-  
strissima de Regnorum collecta Metricis No-  
mina, sed etiam de Cælituum fastis Sanctissima,  
per proximos Cognationis concurrere gradus  
observabunt. Primus OGONOVIORVM  
Tetracha PETRVS de RADZIKOW, Celsissi-  
ma Virgine ODROVAZYA, pro Tetrachide  
successuræ stirpis adscita, unicum Cæli delici-  
um, Nobilissimum Lechici Campi & sui No-  
minis Florem, Sanctum ex ODROVAZYSIS  
HYACINTHUM, in Purpureum Illustrissimæ,  
quam plantavit Familiæ invexit Pæstum. Illu-  
strissimus MARTINVS SIERAKOWSKI  
Inowłodaviensis CASTELLANUS, Nuptiales  
cum ZALINSCIA CASTELLANIDE, KO-  
STKOWNÆ Filia communicando tædas, tu-  
tellare Poloniæ Sidus Nativis Celsissimum tra-  
beis, Sanctitatis Purpurâ fulgentissimum, Di-  
vum STANISLAVM KOSTKA, ad af-  
fines Illustrissimis SIERAKOVIORVM  
Ceris allexit splendores. Sanctorum Nomina  
in Consanguinitatis Albo legere, quanta Prosa-  
piæ felicitas? Præter terrestres Lucios, terreno-  
rum luce circumfusus honorum, Cælestes quoq;  
Fulgentios in contingenti affinitate habere,  
quantus Excellentissimæ Cognationis splen-  
dor? quantus Celsissimæ Lucinæ fulgor? Ex  
H honorum,



honorum, & titulorum confluxu, quibûs Magni. claruerunt Aborigenes, *DOMUS* Tua *AN-*  
*TISTES ILLVSTRIS* Solis Regia  
est. Ex proximo cum *IVONIBVS*, *ODRO-*  
*VAZYIS* & *KOSTKOVIS* cognatæ  
Lucis confinio, Fons Phæbi, Sanctorum splen-  
doribûs fæcundus, Gens luminum Astrorumq;  
Patria; Domus Divorum Indigetum inquilina.

Æternitate fulgentibûs tota, affinium San-  
ctorum umbris reverentiali adoratis cultu, ad-  
huc numerosa perennantium in immortalis fa-  
mæ Capitolio Herôum series, superest recen-  
senda. Procera namq; *SIERAKOVIANÆ*  
Consanguinitatis Arbor, summo vertice ipsis  
illatò Astris, renascentes ramos ampliori quàm  
Altyagis virga, per Lechicum Regnum ambitu  
diffundit. Ab hac sæcula vincente genuinaq;  
Dodonæ fronde, aureus pullulavit furculus, Il-  
lustrissimus *LVCAS* de Bogustáwice *SIERA-*  
*KOWSKI*, primò *KRVSWICIE* *NSIS*, deinde  
*LENDENSIS CASTELLANUS*. Quò palmò  
mensus se fuerit in hoc Viro honor, ex Ca-  
stellanarum fastigijs Curulium colligendum.  
Qua decempeda Augustam Magni *SENATORIS*  
mentem virtus & Sapientia subintraverit? glorio-  
sissimæ ad Prussiæ *DVCEM* & Sveticos in Finlan-  
dia *EXERCITUS* Legationes loquuntur. Iuve-  
nili ætate apprimè domesticis exculsa literis, to-  
tum octennium exoticis impendit studijs. Ad  
maturam provectum ætatem, prudentiâ consu-  
matum, judiciò gravem, omnium idiomatum  
peritissimum, Polona pro Tripode suo venera-  
batur



batur Respublica. Petebantur ab Eo in difficilibus consilia, recipiebantur oracula. Ardua negotia committebantur tractanda *LEGATO*; apud tot Externos Principes & Monarchas commissa sibi, cum Gentis gloria, cum Regni commodo, cum Nominis sui immortalis fama tractavit & conclusit. Regalia in Majori Polonia bona, per Comitia Regni *DEPUTATUS*, sic benè lustravit, ut nemo meliùs potuisset.

Siccantur quandoq; & ingentia flumina, Cæli serenum immixtæ discriminant nubes, ipsius Phæbi germana Soror, hausto ex omnigenæ lucis fonte, lumine laborat. *SIERAKOVIANI* Sangvinis Mare, Illustrissimo à tot sæculis non interruptim decurrit amne. In Gentilitij *ANNULI* Zodiaco, novi semper dignitarijs fulgentes Trabeis Oriones prodeunt, Hesperini nunquam observantur. In Avito *SAGITTARI* signo, perpetuò Illustrissimi Soles meridie refulgent, nec ullus datur honoris vespere. Ex continua *SIERAKOVIANÆ* Familiæ Linea, tot Quirites Quiritibus, tot Senatores Senatoribus, tot Proceres successerunt Proceribus, ut totus in hac *DOMO* conclusus ex antiquo Senatus videatur. Magnos Senatores in plurimis *SIERAKOVIIIS*, Polonus venerabatur Orbis; Nobilitatis Principem coluit in *STANISLAO SUCCAMERARIO* Dobrynensi. Non ex eo, Princeps inter Nobiles volebat *SIERAKOVIS* dici; quòd esset *SUCCAMERARIUS*. Ex eo, quia *SUCCAMERARIUS* dicebatur; meritis, virtute,  
H<sub>2</sub> præcla.



præclarisq; gestis, Principem inter Nobiles se  
exhibuit. Amplioribus deberent elogijs scribi  
Illustrissimi ALBERTVS & ANDREAS de  
Bogustáwice SIERAKOVII; Ille *RIPINEN-*  
*SIS*, hic *DOBRYNENSIS CASTELLANVS*. Suffi-  
cit tamen ad Honoris fastigium *CASTELLA-*  
*NOS*; ad Gloriæ summam SIERAKOVIOS,  
& sub hoc Nomine, optimos Patriæ Cives,  
imò Patriæ Patres, Bellatores dexterrimos, a-  
cerrimos Libertatis, Legum, & Fidei Asserto-  
res innuisse.

Ternò numerò, sed laudibùs digni millenìs,  
sub adoratorem veniunt calamum, Illustrissimi  
VLADISLAVS, STANISLAVS, & IO-  
ANNES de Bogustáwice SIERAKOW II.  
Ingentibùs meritìs & perenni claresactorum  
memoria, omne supergressus elogium, qui in  
ipso Nominis Anagrammate, laudis laus VLA-  
DISLAVS legebatur. Nulla illuc potest eniti  
penna, quò STANISLAVS Montis Sanctæ  
Crucis *ABBAS*, immortalis suæ gloriæ fa-  
stigium provexit. Cruciferum supra Montem,  
Abbatum Exemplar & Idæa eminebat. Vt Re-  
ligiosa humilitate demissimus erat, sic effusæ  
in egenos pietatis montibùs, ad ipsa sublimaba-  
tur Sidera. Montem Domini Verticemq; il-  
lum Arbore Salutis beatum, pientissimæ vesti-  
gijs adornavit vitæ, perpetuis Angelici candor-  
is nivibùs contexit. Vixit in terris, imò tantum  
est visus vixisse; Qui mente à terrestribus abstra-  
ctissima vixit. *ABBATUM* & Religiosarum  
animarum Phænix, ad bajulum sui Salvatoris  
lignum,



lignum, Syrio intentissimæ pietatis diffuens  
fervore, vicinos Sancto Monti involavit Cæ-  
los. Inquilinum Crucis Divinæ Collem, & Re-  
ligiosæ paupertati dicatum, religiosè ditavit,  
cum in Eo beatos suos reliquit Cineres, eousq;  
incorruptos.

Grandiores fastos & prolixiora volumina re-  
quirit amplitudo meritorum, quibûs Patriam  
impleverat, Senatoriam ornaverat Curulem;  
& numerosissima factorum series, quibûs SIE-  
RAKOVIANVM Nomen toto Polono Orbi  
commendatissimû fecit ILLUSTRISSIMUS DOMINUS  
IOANNES de Bogustáwice SIERAKO-  
WSKI. Bygdostiensis CASTELLANUS, Tuus  
ANTISTES ILLUSTRISSE PROAVVS  
Teneram ætatem in Aula gloriosissimi Regis  
SIGISMUNDI Tertij exercens, eo polirissi-  
mi animi cultu, ea compositarum ad coronatam  
mentem actionum amussi, Augustum PRINCI-  
PIS demerebatur cor, ut verè hic IOAN-  
NES vilus fuerit; quem Dominus diligebat.  
In eminenti supremæ censuræ fastigio, subli-  
mes curas & secretiora Regnantis momenta,  
absq; minima infirmi animi tractasse nota, quàm  
supereminens non multis concessæ, & singula-  
ris in IOANNE Gloriæ Apex. Sub Rega-  
lis Iudicij specula, multi in Nanos decrescunt, qui  
alibi vastæ molis Briarij videbantur. Qui alibi  
magnarum alarum censebantur Aquilæ, sub  
crysim Imperantium vocati, formicis apparent  
non maiores. Quemadmodum soli Astrorum  
Principi, sic & Regnantium oculis, vis quædam  
penetra.



penetrativa inest. Minimas Protegenis attingunt  
lineas; per subtilissimas malè cohærentis com-  
pagis rimulas profundissimè illabuntur, & laten-  
tes intùs atomos dignoscunt. SIERAKOVI-  
VS uno Majestatis aspectu, omnibus animi de-  
coribùs plenus observatus, dignus ad sua deligi  
negotia recensitus, supremum de se SIGIS-  
MVNDI Tertij Iudicium non fefellit. In-  
ter Purpurarum enutritus splendores, nunquam  
ad illum Augustæ Trabeæ erubuit fulgorem,  
qui debiles confundit, & quantumvis robustos,  
licet à longe spectantium perstringit sensus. E-  
jusdem planè cum Regnatrice alicuum ingenij  
pupillâ, solem suum sequebatur IOANNES,  
imò toties prævenire visus, quoties felici per-  
spicacia arcanum Principis explorabat velle,  
quæ destinabantur à solio, tempestivè præno-  
scebat; & gloriosissimo factò præoccupabat nec-  
dum jussa Regni quoq; portare molè capax fuerat!  
hic Atlas, qui sub onerosissima Regalium ne-  
gotiorum Provincia non nutavit. Grandævus  
meritis, ab Aulæ curis, Togatorum Patrum Cu-  
riæ admotus, senatoriam tot gemmîs, quot  
consilijs Purpuram, Martium sagum & victrici  
ferrò, & profusò in rem militarem ditavit au-  
rò. Gotticum hòrridis in Prussia sævien-  
tem cristis ut componeret Leonem, larga ma-  
nu collecti copias auri, inter Patrium militem  
distribuit. Præliares Martis Poloni Aquilæ, ut  
alacriùs in coronatam suo non contentam ma-  
ri, sed alienum sorbentem æquor provolassent  
Balænam, Principe illas allexit metallo. Ot-  
tomanicæ



tomanicæ Lunæ, quæ fatalia Orbi nostro minabatur funera, Gentilitium numerosis proprio ere-  
ctis ære stipatū signis, opposuit sub Chotymo **SAGITTARIVM**. Victricis sonitu ferri, fulmineum Planetam sangvineas ab Oriente vehementem procellas, cum pyrobolicorum ignium nubibus, evanidas dispulit & fugavit in auras. Triumphalis Agricola, ut sub Iagellonicum **SIGISMUNDI MANIPULUM**, copiosam victricium Ex **GVSTAVO** sveciæ, & **OSMANO** Turcarum colligeret laurearum messem, domesticos non parcè seminavit thesauros. Post **IOANNEM** ergo Lečićiensē **PALATINUM**, in hoc **IOANNE**, geminatō exemplō agnovit Polonia; **SIERAKOVLOS** non aliter nasci, nisi in ulus sui liberales, in bonum & publica commoda gratiosos. Agnovit hanc in illos defluere cum sanguine dotem; ut in Patriæ tutelam, in defensionem Regni, vitæ non parcant, opes impendant & integram profundere fortunam sint parati.

Immortalis monumenta Gloriæ, quæ omni perenniora ære Magnus exegit **SENATOR**, non Minores gloriosissimè continuârunt Filij. Paternis insistens vestigijs **SAMVEL** de Bogu-  
slawice **SIERAKOWSKI**, **CAPITANEVS** **BIELSCENSIS** nullum prætermisit momentum, quō optimè non mereretur de Patria; nullam aciem, in qua animosus pro Lechica Troja non sterisset Hector; nullam publici muneris Provinciā, sub qua indefessū boni publici Atlantem non præsentasset. Cælum versùs proten-



fas Gentilitias *MANVS*. Aris & Supremo  
consecravit Nūmini *ILLVSTISSIMVS ES REVE-*  
*RENDISSIMVS ALBERTVS* de Bogusławice  
*SIERAKOWSKI*, Cracoviensis *CANONICVS*,  
Chelmenfis *DECANVS*, Abbatiae Montis San-  
ctae Crucis *COADIUTOR*. Dexter Pontificis  
oculus dicebatur *DECANVS*; ob summam vi-  
gilantiam *Linceus*, ob æstimatissimas dotes E-  
piscopalis oculi *Pupilla*, imò Cor ipsum sui Præ-  
sulis erat. Nobilissima de Gentilitio *ANNULO*  
Gemma *Vavellanas* singulari virtutum & Sa-  
pientiae pretiò adornavit Coronas. Caput  
Tyaris dignissimum, animum omnium capacis-  
simum negotiorum gerens, à *IOANNE CASI-*  
*MIRO* Poloniarum *REGE*, ad *CLEMEN-*  
*TEM NONVM LEGATVS*, dignus Galero  
quoq; *Mercurius* est æstimatus.

Sudante sub tot Magnis Nominibus bajulâ  
pagellâ, sapiae guttas, gemmeis fluere torrentibz  
necessum esset, ut pro sua posset dignitate scri-  
bi, pretiosissima Heroum Gemma, Vir suo æ-  
stimatissimus sæculo *ILLVSTRISSIMVS GA-*  
*SPAR* de Bogusławice *SIERAKOWSKI*  
Tuus *ANTISTES ILLVSTRISSIME AVVS*  
Edecumatis in Patriam & Libertatem meritis,  
ingentibus in Regem obsequiis, ad illud pe-  
rennantis gloriae processit culmen, ad quod  
nonnisi Dædaleo nisu levis præsumeret eluctari  
penna. Pulcherrimum virtutis quæ est divitijs  
animosa suis documentum dedit; Qui maximos  
promeritus honores, nullos voluit acceptare.  
Imò subsequenti prodigium reliquit ævo, cum  
oblatum



oblatum sibi Kovaliensem CASTELLANA-  
TVM remisit, totam honoris summam, in sola  
meritorum reponens conscientia.

Post Hectorem Æneas, post dignissimum  
AVVM Æstimatissimus Tuus ANTISTES IL-  
LUSTRISSIME PATER, IOANNES de Bo-  
gusławice SIERAKOWSKI, ZAKROCZY-  
MENSIS DAPIFER, MSZANENSIS &  
OLSZOVIENTSIS CAPITANEVS nume-  
rosô heroicorum facinorum stipatus satellitiô,  
vectigali adorandus succedit pennæ. Sub Re-  
gio IOANNIS Tertij, Victoriosissimi Monar-  
chæ SCVTO, Ille Lechicam spartam solis hæ-  
roicorum cordium mænibûs cinctam, adaman-  
tino pectore, acsi æneo umbone, acsi septempli-  
ci Ajacis clypeô, contra hostiles tutabatur assu-  
tus. Bellatorum quibûs gloriabatur Græcia,  
quos ad Orbis terrorem ostentabat Roma com-  
pendium; inter dextetrimos sui sæculi Herôes  
summus Heros, & potius Mars ipse credebatur,  
Quotiescunq; coronatus Poloniae Iupiter, in stu-  
pendum portentosa Virium mole Asiæ Gigan-  
tem detonabat, toties IOANNES SIERA-  
KOVIVS Aquilam se exhibuit, ignea Gen-  
tilitiæ SAGITTÆ fulmina jacentem. Quot-  
cunq; Sarmaticus Mavors Regali SOBIESCIA-  
NO, SCVTO metuendus, ex debellato Oriente  
retulit victorias, omnium SIERAKOVIVS  
pars non parva fuit. Si illis heroica Virtus mu-  
neraretur præmijs, si illis quibûs quondam apud  
domitorem Orbis populum exciperetur plausi-  
bus, quot Civicas? quot obsidionales dexterri-  
mus



mus Bellator retulisset Coronas? quot publicos  
numerasset triumphos? Vnicum nonnisi, sed quò  
ipsam vicisse victoriam videtur, perenni sæcu-  
lorum transmisit memoriæ, quò decertanti-  
bus de se honoribus, palmam non concesserit.

Infulati fastigia honoris, glorioso emerenti cur-  
su Gentilitiæ *SAGITTÆ*, augustis in assisten-  
tiam provolant de Cineribus, Virorum Phæni-  
ces, Cælôq; coronatæ animæ *ILLUSTRISSIMI*  
nempe *MICHAEL* Łęczyciensis *POCILLA-  
TOR*, *PAVLVS* primò *DAPIFER*, postea  
*JUDEX*, ac tandem *CASTELLANVS* Do-  
brynensis; & *STANISLAVS* de Bogusławwi-  
ce *ARCHIDIACONVS* Szremensis, *CANONICVS*  
Gnesnensis; Omnes *SIERAKOVII*, Omnes ælti-  
matissimi Tui *ANTISTES ILLUSTRISSIMÆ*  
*PATRI*. *MICHAEL* valida Manu trium-  
phaliq; mucrone, Vandalicum Leonem & Co-  
lacicam ambustis repullulantem capitibus Hy-  
dram multoties terruerat, pluries profligarat.  
Ardentissimo Patriæ amore; præpetes sibi mi-  
nistrante alas, non chalybea casside, non ache-  
neo gravabatur umbone, sed quasi purus Spiri-  
tus esset, per strictos acinaces, in media hosti-  
um castra non tam ruebat, quàm volabat. *PAV-  
LVS* in Sacræ Themidis Cathedra, ad quam  
toties *DEPUTATUS* confederat *JUDEX*, Ju-  
ris *DOCTOR* auditus est; in Polono Senatu  
Magister Consultantium. *STANISLAVS*  
exactissimus vitæ Spiritualis Canon, probitatis  
norma, & omnium virtutum fuerat amūssis. Au-  
rei verticem Capitis, quò utramq; fuerat com-  
plexus



plexus Sapientiam, licet ultrò se ambientibus  
subtraxit Tyaris, à fidelibus tamen in ipsum Le-  
chicarum Infularum Nidum obsequiis, promptum  
animum non subtraxit. Primo Polonorum An-  
tistitum fidere, *EMINENTISSIMO* olim  
Sacrae Romanae Ecclesiae *CARDINALI RA-  
DIVILIO*, ad fatalem subductò occasum, Ge-  
neralis Gnesnensis *ARCI EPISCOPATUS ADMI-  
NISTRATOR*, munus hoc pro Archidiace-  
sis dignitate, pro *SIERAKOVIANI* Nomi-  
nis excellentia peregit.

Aurea unius vitis germina, Germani Tui *AN-  
TISTES ILLUSTRISSE FRATRES*, gemmeo  
merentur charactere notari. Multum est, si pu-  
gnent virtute, licet non numerò viri: plus ta-  
men est, si & virtute & numerò pugnent. In  
nobilissimo *FRATRVM* quaternione, Quo-  
rum quisq; tota posset efficere castra, & nume-  
rum & virtutem Fabiorum; ad defensio-  
nem sui ac praesidium Polonia habet. Iurati  
Martis Poloni Athletae *IOSEPHVS & MA-  
THÆVS*, bellicos Spiritus, ipso ferme cum la-  
cte hausisse videntur. *GABRIEL MSZA-  
NENSIS CAPITANEUS*, Capite Intelligen-  
tia, lingvâ Mercurius, dexteritare cordis & in-  
fractò virium robore Polonus Hector, bellaci  
Manu redivivus est Camillus. Corporis Ma-  
jestate iudicii gravitati iuncta, in Comitibus  
Cracoviensis Palatinatûs Congressibus, veneran-  
dum praesentat Nestorem, ubiq; acerrimus li-  
bertatis Assertor, & indefessus boni publici  
Atlas. Sub difficillimum Confederatae Reipu-  
blicae



blicæ tempus, in Mareschalcum ex primo Palatinatu urgentibus electus Votis, gravaminosam hanc Provinciam, summa animi dexteritate, prudentissimis consilijs, illibata publici muneris fide, integritate conscientiae non læsa, cum singulari Palatinatus honore, cum perennatura Nominis sui gloria gessit & sustinuit. Carissima Ejus pignora, gemina Lechici Sidera Poli FRANCISCUS & IACOBUS SIERAKOWSCII, ex ROSALIA de Otfinow OTTFINOWSKA Vislogrodenfi *DAPIFERA* suscepti, sub lagellonico *Manipulo* ad maximas Patriæ spes adolescunt. Romanus *CAPITANEUS* OLSZOWIENSIS, Castrensis Cracoviensis *NOTARIUS*, Loricatæ Cohortis Serenissimi REGIS AVGVSTI Tertij *VEXILLIFER*, politici ævi delictum, igneus Sarmatici Martis Spiritus, Divæ Astreæ Corculum & Ocellus. Selectissimis corporis & animi dotibus, Procerum æstimationem intimosq; Magnatum meretur amores, ora populi in plausum sui, venerationem & millena elogia devincit. Vno doctissimi Capitis Codice, totam Iuris Civilis & Patriarum legum complexus congeriem, perfectissimâ Iuris scientiâ Iustinianos, incorrupta æquitate redivivos Aristides facit. Vbiq; omnium amor ROMANVS, in Divæ Themidis Areopago, soli Iustitiæ ostendit se amicum. Deputati ad Supremum Regni Tribunal *IVDIS* munere, vice gemina functus, eousq; has promiscuas geminari acclamationes inaudit: Vtinam unicus Iustitiæ Amor ROMANVS, ex Patrio



ex Patrio nunquam recederet Tribunali. Vti-  
nam Gentilitijs SIERAKOVII Manibus, Re-  
gni Astreæ Libra perpetuò versaretur. In Castren-  
sibus Cracoviensibus Actis, quotquot Iuris di-  
cti sententiæ, quotquot decreta Manu Illius  
scripta reperiuntur, tot perennes Characteres,  
tot æviterna singularis in NOTARIO Iuris-  
prudentiæ leguntur & legentur monumenta.  
Si libri muti Magistri sunt, ex decretalibus  
Cracoviensis fori voluminibus, discit præsens,  
secutura edocebitur ætas, ROMANVM SIE-  
RAKOVIVM fidelissimum Sacræ Themidis  
Amanuensem fuisse. In forensi Castro Meri-  
tissimus NOTARIVS, in Castris Bellonæ, in-  
fracto virium robore & heroici dexteritate ani-  
mi gloriosissimus Loricatæ Regiæ Cohortis  
VEXILLIFER, Themidis bilancem, victri-  
cia Martis Poloni signa, ac simul SIERAKO-  
VIANÆ DOMUS gloriam robustissimè por-  
tat. Ejusdem Nominis, licet de diversis DO-  
LEGÆ Armis TERESSIAM SIERAKO-  
WSKA ILLUSTRISSIMI & EXCELLENTISSIMI  
DOMINI IOSEPHI in Opol & Zabce SIE-  
RAKOWSKI, Supremi Excubiarum Re-  
gni PRÆFECTI Filiam, in Thori & Vitæ So-  
ciam nactus, diffusos toto pænè Polono Orbe  
Celsissimarum Familiarum splendores, in aure-  
am Gentilitij ANNULI deduxit Sphæram.  
Auream frondem, ab altissima Consanguinitatis  
descendentem Arbore, Illustrissimam Excubia-  
rum Regni PRÆFECTIDIM adoro. Non so-  
lam meridionantis æmulam Phæbi, avitorum  
L decorum



decorum lucem, Gētilitiā *SOLEA* in Capita-  
neales Mariti sui invexit lares, sed illos præterea  
*IOSEPHO*, & *MICHAELE* Nobilissimis sur-  
culis in fulcrum Patriæ, in decus Illustrissimæ  
*DOMVS* succrescentibus Filijs coronavit.

Africano Scipioni Patris simulacrum; Pom-  
pejo Magno gloriosissimi imaginem Avi An-  
nulus exhibebat. In Gentilitio Tuo *PRÆ-  
SVL* Illustrissime *ANNULO*, non tantum  
Avita summi Genitoris, sed etiam Dignissimo-  
rum ex *MATRE* Tua *AVNCVLORVM*,  
& Ipsius Æstimatissimæ *MATRIS* decora,  
ceu plures in una Concha uniones refulgent.  
Æstimandi sunt ut gemmæ; *ILLVSTRIS-  
SIMVS & REVERENDISSIMVS* olim *SI-  
GISMVNDVS* de *RUSZKOW RVSZKOWSKI*,  
Cathedralis Płocensis *CANONICVS*, *MI-  
CHAELE* Brestensis Cujaviensis *SUBDAPL-  
FER*; & *ALEXANDER* ejusdem Terræ  
*VENATOR*; tres ex una *MATRE AVN-  
CVLI*. Quorum primus aurei Capitis doti-  
būs Sacras condecoravit Vittas. Alij libertatem  
auream, & Polonæ gloriam Gentis tanquam  
selectissimæ appretiant gemmæ. *MARIAN-  
NA* de *RVSZKOVILS DAPIFERA* Za-  
kroczyimensis, Mszánensis, Olszoviensis *CAP-  
TANEA*, Æstimatissima *MATER* Tua, licet  
non diversis à Paterno Tuo Stemmata Armis,  
sed distinctis Illustrissimi Nominis & *DOMVS*  
titulīs, avitos Tuos *PRÆSUL ILLVSTRIS-  
SIME* ampliat decores. Aurum auro addit,  
gemmas accumulat gēmis, inmedium Gentilitij  
*ANNV-*



**ANNULI** Zodiacum; domesticos **RVSZ-**  
**KOVIANOS** colligens splendores, plenio-  
rem in Eo, Illustrissimorum quæ dinumerari  
non possunt, Orbis Poloni Siderum accendit  
lucem. Infra generis sui alitudinem adorato-  
rem cogit repere pennam, excellentissimis ani-  
mi dotibus, virtutibus selectissimis, omnem  
elogiaris styli supergressa cultum. Pandora  
sæculi nostri dicenda, in qua Palladis pruden-  
tia, Iunonis magnanimitas, veneranda vul-  
tûs Majestas, & Cæleste quoddam Sanctimo-  
niæ jubar, etiam per obductas summæ mo-  
destiæ relucet nubes. Tota mente Æterno  
Numini devota, abjectis fluxi sæculi curis, in-  
paccata Monialium Sancti **FRANCISCI**, ad  
Ædes Divi **IOSEPHI** Cracoviæ solitudine,  
solis de immortalitate cogitationibus, solis **DEI**  
laudibus vacat. Quàm rara pietas! quæ Illu-  
stri animæ inter purpureos honoris & titulo-  
rum enutritæ splendores, Religiosarum umbra-  
rum consortium persvalit, & efficit dilectissi-  
mum. Quàm Illustres, quàm calientissimæ  
Seraphicæ Vmbrae! ad quas à publica luce ce-  
lata **ZAKROCZYMENSIS DAPIFERA**, cla-  
riora Cæli lumina spectat & ferventissimis Divi-  
ni amoris flammis incalescit. Felix es tam pien-  
tissima **MATRE ANTISTES ILLUSTRIS-**  
**SIME**. Sed non minùs beata Illustrissima **MA-**  
**TER, TE PRÆSVLE, TE ANTISTITE**  
Sacro. Germanas Tuas **SORORES**, etiamsi  
bifidum tenuis calami taceret os, **ANNAM de**  
**SIERAKOVIS SEDZIMIROWA**, Vie-



Iunenſem **DAPIFERAM**, præſtantiffimâ ani-  
mi corporiſq; dona, & Nobiliſſima quibuſvis ho-  
noribus ornandis ſuccreſcens Proles, perabun-  
dè loqueretur. **MARIANNAM** Carmelitana-  
rum Diſcalceatarum ſanctæ **TEREſſiæ**,  
Veſotoviensis ad Cracoviam Conventus Moni-  
alem, vel ipſa Clauſtralia deprædicarent ſilentia.  
Veſtalis hæc ſub libero love Divino cultui ſe  
mancipavit. Ad ſeraphicas **TEREſſiæ**  
flammas, æternum caſtimoniæ ignem puriſſimo  
in pectore fovet. Sub **SZEMBECCIANIS**  
Roſis, Agnum Virginum ſponſum Angelici  
candoris lilijſ pascit. Viola Tuæ **ILLV-**  
**STRISſIME PRÆSVL**, ut novo ſemper  
refloreſcant vere, Increatum Solem, præcipuè  
in Immaculato Agno ſacri veris Parentem,  
precatoriorum globulorum funiculis, ad honori-  
ficos Tuos devincit & inflectit ſucceſſus.

Comes Gentilitiæ **SAGITTÆ** ve-  
tigalis penna, adeo prolixo per rectam Illu-  
ſtriſſimæ Familiæ Lineam deſeſſa tractu, ut  
numerofiſſimis cognatis Familijs impar ſit de-  
currendis. Triumphalis **SIERAKOVIANA**  
Arundo, titulîs & trophæis coronata millenîs,  
nullis gloriæ ſiſtitur terminîs, ſemper Plus Ultra  
fertur. Iidem ſunt Gentilitij **SAGITTARIJ** motus  
qui & Phæbi; iidem curſus qui & Solis. Aſcen-  
dit ille ad Celiſſimos, & in **MICHAELE I.**  
Poloniarum Rege ſereniſſimos **LVNÆ WL-**  
**SNOWIECCIANÆ** Orbes. **SIENIA VI-**  
**ORVM** Cynthiæ affini ſe conjunxit gradu.  
**Ad LVBOMIRSCIORVM & STADNIC-**  
**CIORVM**



CIORVM Aquarium proxima relatione ac-  
 cessit. In LANCKORONSCIORVM Leo-  
 nes, DEBINSIORVM Virgines, MAKO-  
 VIECCIORVM Vros cognata influxit luce,  
 Cum ZBOROWSCIORVM Accipitri-  
 bus, sociato sublimatur in altum volatu. Cum  
 Illustrissimis Orbis Lechici Sideribus, KADZI-  
 DŁOVSCIIS, GKVDZINSKIIS, KEMPSCIIS, ZA-  
 LINSKIIS, ROSCISZEWSKIIS, CHRZĄSZCZEWSKIIS,  
 SZADOKIERSKIIS, WIERZBOWSKIIS, NARZEN-  
 SKIIS, OPALINIIS, PADNIEWSKIIS, SMOGVLECKIIS,  
 KOŁVCKIIS, TRZEBVCHOWSKIIS, POTVLICKIIS,  
 TARŁOVIIIS, ŁADCKIIS, MIELZYNSKIIS,  
 splendidissima constellatione, totum Majoris  
 Poloniæ perlustravit clima. Aquilinis ILLU-  
 STRISSIMÆ ex MILONSKIIS AVIÆ pennis, in  
 præstantissimas Comitum de CZARNKOW  
 CZARNKOVIORVM, BYKOWSCIORVM, GROCHO-  
 WSCIORVM, SKARBKONVM, GRABINSCIORVM, SIE-  
 MIANOVIORVM, PRAZMOVIORVM, MACZYNSCI-  
 ORVM, NICIELSCIORVM, WALEWSCIORVM, ZAPOL-  
 SCIORVM, TACZANOVIORVM, NIEWSCIORVM, KOS-  
 SOVIORVM, KONARSCIORVM, IVANSCIORVM,  
 SOKOŁOVIORVM, NIEBOROVIORVM,  
 aliasq; millenas per Regnum Poloniæ illatus  
 Domos, in omnibus inquilinæ lucis commu-  
 nicatione adauctus; est & nunquam desinet esse  
 Illustrissimus.

Post tot præcedentia Sidera, post tot Illustris-  
 simos à Tyarata fronte præmissos, à lateri-  
 bus circumfusus Phosphoros; Ipse tandem ANTI-  
 STES ILLUSRISSIME, æmulo solis Pontifi-  
 calis Trabeæ conspicuus jubare, inumbratam,

M Scholasti.



Scholasticâ sæpiâ paginam collustras. Quidcunq;  
dignitariae claritudinis, quidcunq; trabeati splen-  
doris in Tuis divisum reperiiebatur Majoribus,  
in Te Vno, ceu in luminum fonte est collectum.  
Tota Lucinae celsitudo, totus virtutum splen-  
dor, multis per Aborigenes Tuos intervallis dif-  
fus, in Te compendiarim defluxit. Conde-  
corabant Eos Senatoriae Purpuræ, Equestres in-  
signiebant Togæ, Patricij distinguebant Muri-  
ces, Te Sacra, Te Pontificalis Trabea adornat.  
Fulgebant illi Illustrissimis, eminebant Excel-  
lentissimis titulis, Tu utrisq; superemines. Sola  
temporis prioritate *ILLUSTRISSIMI ANTE-*  
*CESSORES* Te præcesserunt, non virtutis, non  
honoris. Sellis Eorum & Curulibus altio-  
rem Præfuleum conscendisti Thronum. Magnis in  
Regno Proceribus, exæquasti dignitate, primos  
Eosq; ex Domo Tua innumeros Senatores, mu-  
nere & dignitate attigisti; Sacri ordine & ex-  
cellentiâ Senatûs transcendisti. Summis Illustris-  
simæ Domûs decoribus, quæ per plurima ac-  
cumulabantur sæcula, sæculo hoc principale  
decus, principale accessisti ornamentum. Avi-  
tis Magnorum Aborigenum splendoribus, ful-  
gentissimum cum Pontificijs Ceris meridiem  
invexisti. Etiam si ex splendidissimis Avorum  
& Atavorû umbris nativam non hausisses lucem,  
adhuc solus Fons & Author lucis trabeatæ es.  
Venisti verò à Lucijs Fulgentius, à Probinis  
pientissimus *PRÆSVL*, ab Illustrissimis, Sena-  
tor & *ANTISTES ILLUSTRISSIMUS*. In  
ipso Lucinae sinu, inquilina Nobilissimi Gene-  
ris Te



ris Te circumfudit claritudo. Prima vitæ au-  
rora Soles Tibi honorum nuntiabat, virtutibûs  
& titulis Illustrissimum Te fore designabat.  
Non erant consulendi Ptolomæi, non terra in-  
arranda circinîs, ut certa magnitudinis Tuæ,  
colligerentur argumenta. Necdum infantilis lin-  
gua fari Te sinebat, jam generosa frons & oculi,  
quis grandævus & quantus futurus esses loque-  
bantur. Vix tremulos cæpilti formare gressus,  
jam solida ampliandi Nominis & Avitæ famæ  
vestigia exprimebas. Sub liberrimæ gentis cli-  
mate enutritus, domesticis Magnorum Præde-  
cessorum exemplis, ad gloriosum vitæ proces-  
sum Te necessitabas. Immatura ætas, nil in  
Te immaturum, nil levitati obnoxium, nil non  
ferium vidit. In pauculis annis ille Tibi gravis  
incessus, ille prudens discursus, illa Iudicii ma-  
turity, ille fuit vigor igneus oris, qui pusillo  
corpore majorem contineri animum denotabat.  
Eximijs dotibûs cumulatam à natura indolem,  
ut tantum per ætatem licuit, Regiæ excolen-  
dam Palladi commisisti. Ea alacritate, ad ope-  
rosos Scholasticos descendisti ludos, quâ alij ad  
ludicros Circenses majori, non descenderent.  
Difficilibus captû Scientijs ea facilitate, ea ad-  
hæsisti promptitudine, ceu Tibi jam apprimè  
notæ essent, antequàm illarum initiareris Stu-  
dio. Nobilis Teopompus, per Scholarum gra-  
dus, per doctæ Minervæ Classes, celeri pro-  
cessisti passu, non tamen quidquam præter-  
mittens, quod ad integrum perfectæ eruditio-  
nis desideraretur cursum. Artibus humaniori-



bûs instructus, ad altius Philosophiæ Studi-  
um, capacissimum coniecisti animum. Hac in  
Scientia, nihil humile, nihil proclive, nihil in  
promptu situm, sed omnia sublimia, omnia  
ardua, omnia à facili captu obveniebant remo-  
ta. Quæ tamen in Philosophicis contempla-  
tionibus tanta sublimitas fuit, quam excelsa a-  
nimo non attigeris? Quæ in abstractionibus  
perplexitas tanta, quam felici ingenio non su-  
peraveris? Qui in speculationibus tam mole-  
stus labor quem flagrantissimum sciendi desi-  
derium, non modò facilem ac tollerabilem, sed  
dulcem quoq; non reddidisset Tibi & jucundum.  
Obfirmato adversùs omne arduum animò, ob-  
verlaq; contra torrentem docillimi ingenij ca-  
rinâ, in medijs Eurippi anfractibus perfectæ  
portum quæсивisti Scientiæ, & invenisti. Lo-  
gicales Spinæ ad eruditi coronamentum con-  
feruisti animi. Ex difficillimo Philosophiæ Stu-  
dio, pulcherrimum solidæ eruditionis fructum  
es consecutus. Rerum Causas, & latentes ea-  
rum conceptus, profundo cum attigisti scruti-  
niò, elevatam mentem ad Divinæ Scientiæ  
convertisti arcana. Medio fidei lumine, quod  
religioso fovebas corde, Deum qui inaccessible  
inhabitat lucem, ad Thomisticum explorabas  
Solem. Indivisibilem Divinitatis unionem, in  
Aquinaticis exquirebas undis. Ex Angelici Do-  
ctoris Summa, summo conatu, intimoq; stu-  
diò, pretiosam Sapientis animi collegisti supel-  
lectilem. Thomistico Phæbo, qui in Capitis  
Tui culminabat vertice, Cælo orrum ab alto,  
Divæ



Divæ Astreæ associabas Sidus. Operosa nempè horarum vicissitudine præter Theologicum Studium, Iurisprudentiæ incumbebas. Audiendo Vtriq; Iuri, parem sedulitatem, parem adhibuisti operam, in utroq; pariter profecisti. Quid verò de hoc dicendum? quod tempus illud, pronæ ad otia juventutis, et si aliquò, maximè Studiorum tædiò confici solitæ, Tu intensis Musarum & Palladis consecraveris laboribus? Quòd necdum benè obfirmatum per ætatem ingenium, ad enixa scientiarum, Iurisprudentiæ & Theologiæ Studia, curasq; parandæ Sapientiæ converteris viriles? Arcano id factum Numine reor, à Quo per ista Tyrocynia, in prudentem destinabaris Pastorem, formabaris in Pontificem eâ scientiâ plenum, eâ quâ decet Sapientiâ ornatum. Facile autem ad Te Iuvenem, quæ juvenes fugit, matura venit Sapiencia, pro cuius initio Timorem Domini, pro scopo & meta æterni Numinis gloriam statuebas. Increatum Tibi devoto affectu adoranti Solem, in ipso floridæ ætatis vere omnia maturabantur. Virtutibus & pietate simul succrescenti, omnia ad laudatissimum vitæ succedebant Statum.

Orbis amplitudinem & situm, quem jam ex Ptolomæi mappis didiceras, in ipso visurus capite, post exacta domi docta cum Musis otia, ad Urbem illam, quæ tetendit cum Sole manus, quæ una Orbem concluserat Imperiò totum, Te contulisti. Ista nihilominus Gentium Domina & Urbium Princeps, ambitu suo perampla, operum vetustate commendatissima, Stru-

N

cturis



Æturis magnifica, ædibûs & Palatijs splendida, quæ  
Magnificentia suæ stupore, plurimorum suspen-  
derat animos, generosissimam mentem Tuam,  
nunquam vanâ admiratione captam observavit.  
Exteriorum mores, genium & disciplinam, cum  
intimè scrutareris, seriò observares, perfecta re-  
gulatos prudentiâ sensus, ab omni levi curiosita-  
te subtrahebas. Assuetas serijs narrationibus au-  
res, ad ridiculas fabellas, ad anilia inanium  
nugarum nunquam arrexisti lenocinia. Specta-  
torem oculum, nec ad pendula Tarpeia rupis  
suspendisti fragmenta, nec inter grandia Capito-  
lij rudera attonitum jecisti, nec exesis Adrianæ  
molis, aut Neronianorum Conclavium vesti-  
gijs affixisti. Basilicas Ædes, & augusta Divini  
Numinis continuus visitabas Sacraria, Immor-  
tales Sanctorum revidebas exuvias, interq; dul-  
cia eorum assiduus oscula hærebas. Patrias men-  
te complexus Athenas, in Latio veteri Musa-  
rum sede, celeberrimas revisebas Bibliothecas,  
numerossima eruditorum Virorum frequenti  
manu versabas monumenta. Sacrae Themidi,  
quam domi diligentissimam dederas, Romano  
in Archylicæo geminatam adhibuisti operam.  
Ejus in arcanis, oraculis, & responsis, inq; toto  
Iuris Processu, tanto profectu es observatus, ut  
solenni ritu, Romanus in Iure Vtroq; renun-  
tiareris Doctor. Romana Sapiencia, eruditissi-  
mum Caput Tuum Iuridicâ Doctorali jure me-  
ritò coronavit Laureâ; Totum Te excellentis-  
simis ornatum dotibûs, Vrbs integra, uno af-  
fectu, una æstimatione coronabat. Tibi profectò

ANTI-



ANTISTES ILLVSTRISIME, Roma laudatissimarum mora occupationum fuit; Tu verò ob Sangvinis claritudinem, ob eximias animi & corporis qualitates, unicus Romæ fueras amor. Fatebatur Te ex incessu gravem, ex fronte magnanimum, ex gestu modestum, ex servato omnibus in actionibus decore honorandum, decidebatq; ad summa natum, cuicumq; vel primo innotescebas ab intuitu. Singularem affabilitatem sermonis, urbanam oris comitatem, rerum prudentiam majorem, perfectam politices & historiæ Scientiam, attribuebat Tibi, cum quocunq; amæna festivitate conditos, & seria narratione graves conferebas discursus. Veracem ore, verbò realem, humanitatis legibûs perfectè institutum, Officiositatis plenum, totum integerrimis moribûs, totum probitate fulgentem & cumulatam æstimabat, cuicumq; Tecum intimius conversari contigerat. Aliquot annos egisti Romæ, sed quos multi cum gravi fortunæ, aurei temporis, & probæ plerumq; vitæ jactura apud exteros perdunt, Tu pulcherrimo famæ, honoris, & probitatis profectu peregisti. Quantum Patriæ, quantum Illustrissimæ Domui, in desiderata Tui præsentia temporis decessit, tantum æstimationis, tantum accessit gloriæ, cum sub alieno climate, liberrimæ & generosissimæ gentis genio, ac SIERAKOVIANI Nominis magnificentiæ responderes.

Ab Vrbe Romana laudatissimè in Patriam, quia non vacuus, es reversus. Etenim præter rerum experientiam, præter conquistam morum

N<sup>2</sup> & idioma-



& idiomatum externorum scientiam, præter se-  
lectum animi cultum, præter notabilia Sapientiæ  
incrementa, quibus insigniter accumulatus eras,  
Cracoviensi Canoniatu à BENEDICTO XIII.  
ornatus redijsti. Certò certius ad sublimiora  
Ecclesiasticæ Dignitatis culmina, processurū Te  
quilibet ominabatur, cum tam sublimi Sacri Ho-  
noris initiatum gradu salutabat. In Episcopo-  
rum Seminario, proxima Præsulei Honoris semi-  
na, faustè jecit, æstimatarum in Te coronatrix  
virtutum BENEDICTI manus. Canoniale  
Cracoviense Stallum, ad Pontificios Thronos, Va-  
vellanus Coronarum Ternio, ad Episcopales In-  
fulas indubio prælusit eventum. Quid verò ad  
certa summæ Tuæ in Sacrorum Ministerio pie-  
tatis indicia? quid ad infallibilia Pastoralis præ-  
minentiæ omnia poterat evenire conformius? illā  
Tuā in Divinum Mystam Cathedrali in Basilica  
ordinatione, primoq; inibi Sacerdotalis muneris  
exercitiō. Venceslai sub Labaro authorari Te  
in Christi Athletam congruebat, Qui ita indi-  
viduus Exertituum Domini esses Comilito, ut  
à Te est VENCESLAI indissociabile Nomen,  
Cracoviensi in Cathedra, prima in Sacros usus  
debebas potestate defungi, tot olim Cathedris,  
Episcopali regimine præfuturus. Primitiæ Tuæ  
seu Dapes illæ Immaculati Agni, primò à Te  
confectæ, multam Æterno Numini arriserunt?  
Quidni arrisissent? quas in ardentissimo cordis fer-  
vore es operatus, quas singulari apparati mode-  
stia, insigni condidisti pietate, summo cultu,  
& reverentia pertractasti summā. Ad hæc Sancta  
Sanctorum



Sanctorum, mundissimo corde, quod semel integrum sacrificaveras Deo, continuus accedebas. In Flaminem veri Numinis consecratus, flammeo pientissimæ mentis ardore, Divina circumfundebas Altaria, cordis candore, morum innocentiam, vitæ integritate & sanctimoniâ recreabas. Cathedralis Canonicus, Ecclesiasticas Cathedras Apostolici laboris causâ, non gravabaris conscendisse. In his quoties perorares, nemo erat, qui Te non attentissimus audiret, qui erudito Tuo non penderet ab ore. Ibas Sacra in Rostra nomine HIERONYMVS; verbô Dei, Sacris ex paginis excerpto; selectorum sensuum pondere, cultissimæ majestatis Eloquentiæ, & concinna styli gravitate, redivivum in exedris Hyeronimum reddebas. Plurimorum pro laudibus laborasti Sanctorum, plurimorum Regni Indigentum encomia, facundissimus deprædicasti. Martyriam D. STANISLAI lauream, gemmâ verborum appretiaisti, florido adornasti stylô. Sacramentale NEPOMVCENI Confessoris silentium, lingvâ Tuâ disertâ effecisti vocalissimum. Mare gratiarum, Protectricem Metropolis Regni MARIAM de Gratijs, rotundo coronasti sermone. Ob eruditos labores, dotesq; animi excellentissimas, Vavellanas ut gemma appretiabas Coronas; solus ab omnibus appretiabaris, æstimabaris ut gemma; & præcipuè à gloriosissimæ memoriæ Præsule SZANIAVIO. Non tam à Gentilitio AGNO, quâ ab aurco Capite, & Sapientiæ oraculis, Tripas ille Polonus, in intima Tui illapsus animi, ingentium Te negotiorum



gotiorum capacissimum cognovit, ad audiendas Curiae suae causas invitavit. Summus prudentia, gestorum magnitudine immortalis **PRÆSVL**, Tibi in consilijs prudentissimo, rebus in agendis dexterrimo, omni virtutis cumulatissimo genere, quam intimo corde? quam intima adhæserit mente? ultimis voluntatis suae tabulis, Tuas consignatis in manus est testatus. Quæ Tuæ in Episcopali Curia curæ? quæ in audiendis amplissimæ Diæcesis causis vigilantia & labor? quæ in expediendis sollicitudo & celeritas? quæ in dijudicandis prudentia & æquitas? integra Diæcesis nequit satis edisserere. Sola æquitatis Tuæ æstimatione, quæ omnium animis altissimè inhæserat; solabatur se innocens, reus submittebat pænæ; priusquam causarum **AVDITOR** enuntiares decretum. Quod iudicatum formabas, quam statuebas sententiam, eam ille quoque fatebatur iustissimam, cui pœnalis erat. Supremo Regni in Tribunali, **DEPVTVS** cum assideres Iudex, ipsa assidere Iustitia credebatur. Emortua Lex, quæ scripta in Codice, in Iudice non residet. Vacuum jus, quod per digesta dispersum, in animi congestis non reperitur. Tu Totum Iustiniani Codicem, totum Iuris Civilis corpus, tota legum patriarum volumina doctissimo complexus Capite nihil decidebas, quod legibus non innixum; nihil statuebas, quod in iuribus, quod non esset in Statutis fundatum. Peritissimus legum, publicæ tenacissimus fidei, conscientiam integerrimus, solius iustitiæ, solius æquitatis sequax, quid unquam decidere poteras? quod



teras? quod pro iustitia, quod non esset pro æquitate. In omni Iuris Scientia oculatissimus, Andabatarum more Iudicia in Tribunali peragebas. Non personas, non conditionē, non litigantium statum, non intervenientis jura respiciebas amicitiae; ad ipsam quoq; arctissimam Sanguinis non respexisses necessitudinem, cum discernēda injuria, cum sententia dicenda erat. Absq; dubio perennaret suis in Sacrarijs, nec fugitiva è terris, astra repeteret Astræa, si sic amans sui, sic Iuris peritus, sic legis observans; ab omni, excepto solius æquitatis alienus affectu, integer & incorruptus Iudex, in Regni Tribunali perenniter assideres. Difficillimus administrandæ Iustitiæ Magistratus, cum Te Virum publicæ fidei probavit & monstravit, Rex olim Gloriosissimus A V G V S T V S Secundus, Custodiæ Tuæ, Regni Monilia commisit.

Regni *CUSTODEM* agens, unicō circumspexitissimæ mentis oculō, sed toto lynceō, toto ad omnem pervigili eventum, centoculō felicius & gloriosius Argo, Polonis excubasti pro Clenodij; arduo nimis tempore, Regni Insignia; Regno asservasti. Propter conservatos liberrimæ Monarchiæ fasces, scepra, & diademmata, novo coronarum genere præmiari merebaris, nisi jam de Sacro Tuo Capite, Episcopales Tyaræ contendissent.

A confecto annis, laboribûs defesso Illustrissimo olim MOSZYNSKI, Livoniæ EPISCOPO, publicis probatus curis, ac singulari animi dexteritate commendatus, in laborum &

O<sub>2</sub> onerum.



onerum **COADIVTOREM** es adscitus. Non  
Tibi ipse arridebat honor, quem prævio emeritum non capefferes labore. Non ascensus placebat, ad quem anticipatus solidos labor non jecisset gradus. **COADIVTORIS** titulô, prius in partem gravium Episcopaliû curarum vocari elegeras, antequam Episcopus, antequam nominareris **PRÆSVL**. Antequam Caput Tyaræ submitteres, illud prius ad operosa cogitamina, Tyarâs coronanda erexisti. Antequam Præsuleam Crucem in Tuum admisisses pectus, illud prius fervidis circa Livoniensis Diæcesis bonum anhelitibûs præoccupari voluisti. Antequam Pontificium manibûs prehendiisses Sceptrum, illas prius Coadjutoralis onere exercuisti laboris. Præsuleis jam initiatus laboribus, jam oneribûs exercitatus, ut fortiori illa deportares brachiô, in Præsulem ungendus eras. Sua Te manu **EMINENTISSIMUS S. R. E. PRÆSBYTER CARDINALIS IOANNES de Lippe LIPSKI**, ungi in Pontificem & consecrari voluit, in Quo omnes virtutes, perfectiones animi omnes, Pontifice dignas, observavit & æstimavit eminentes. Primum ex **SIERAKOVIANA** Domo **ANTISTITEM**, Polonus Te adoravit Orbis, Illustrissima Domus, gloriam sui, multâs ante inchoatam, consumatam in Te, omnibusq; retrò æquaturam sæculis gratulabatur sibi. Ad Clavas, Caduceos, dignitarios Scipiones, militaria Saga, Senatorias Togas, Trabeas & Murices, solus Præsuleus Scipio, sola Episcopalis in **SIERAKOVIANA** Domo desideraba-



desiderabatur Purpura. Capessijsti manibûs Pedum, emeritissimis humeris Pontificalem induijsti purpuram, expectatus sæculis Phænix, Episcopalis dignitatis fastigium, primus conscendisti SIERAKOVIVS. Præsuleus honor, qui pluribus sæculis ad SIERAKOVIANAM retardavit Domum, in Te Vno pluribus repetitis identidem gradibûs, tarditatem suam compensavit. Ita est individuus comes virtutis honor, sicut & splendor Solis. Quot gradibûs Sol altiùs ascendit, tot gradibûs lux ejus adaugetur. Quot intervallis, summa Tua in Patriam, Rempublicam & Ecclesiam Dei accrescunt merita, tot auctibûs, Pontificiam Tibi accedere dignitatem, tot sublimiores evenire ascensus quis miretur? Episcopalis dignitas, non est in Te fluxæ & errantis fortunæ donum. Geminati Tui Ascensus, non sunt fortuitus Aulæ favor, sed publicum æstimatarum in Te, à pientissimo æquè ac justissimo Rege AVGVSTO III. excellentissimarum dotum, exploratæq; probitatis testimonium. Antequam PRÆSVL fieres, jam illa virtutum ornamenta, illa merita summa, quibûs Cracoviense Stallum; quibûs Kielecensem, Iaroslaviensem, Sandomiriensem Collegiatus replevisti, fieri Te Præsulem poscebant, & vocari. Faventibus Dîjs, pluribus jam Cathedris, & Diæcesibus Optimus præes PONTIFEX; omnes acclamant, Te sibi non tantùm præfuisse, sed & profuisse. In primo Livoniensi Episcopatu, prima Tibi, sed maxima, propagandæ Orthodoxæ fidei, religionis ampliandæ studia fuerunt. Ad

P. altiore



altiozem Camenecensem eve&us, altioribus de  
augendo Diæcesis bono cogitationibus institisti.  
Vt illa Domini Vineâ uberiùs germinaret, dili-  
gentissimos Operarios vocasti. Vt ille Divini  
Sangvinis pretiò venalis Ager, fructificaret ma-  
gis, laboriosissimos providisti Cultores. Vt il-  
lud CHRISTI Ovile augetur, Pastorales in Te  
augebas in dies curas. Zelosos Verbi Dei Præ-  
cones Cathedris, Fideles animarum Curatores  
Parochijs, reverentes in Sacrorum exercitio,  
eruditos in Ceremonijs & ritu Ministros, Ec-  
clesijs adscivisti; Cleri numerum auxisti, benefi-  
cijs cumulasti. Debent Tibi Tempia nitorem,  
debent Sponsæ Dei, vel auctum decorem vel re-  
stitutum, à Te PONTIFICE visitatæ. Supremis  
ab alto consilijs populo Pastor, Ecclesijs ANTI-  
STES datus, si nullo labore, nulla curarum in-  
tensione; solis pientissimæ vitæ exemplis, popu-  
lum salutariter regeres, Ecclesijs præesses. Cum  
Tyaratus Aaron, manus ad Cælum tollis, corde  
ad DEUM sublimaris; cum Sacris Aris pientissi-  
mus affunderis Præsul, quis similes pietatis non  
erigeretur ad actus? Devotione Tua, non tan-  
tùm Sacraria, sed & privata Conclavia reple.  
Dies Tibi totus, una fermè hora Canonica est,  
quæ in precibus recitandis, jucundissima occupa-  
tione defluit. In Dei laudibus cum hesperis non  
desinis, Phosphoros pijs orationibûs prævenis.  
Actiones omnes ea moderatione instituis, ut  
nullam exerceas, quæ gloriosa non sit, quæ non  
sit meritoria. Cuncta negotia, quæ ad effectum  
es deducturus, ad prudentis lucernam animi ex-  
ploras,




30  
ploras; hac luce directus, nil agis, quod non sit  
illustre. Virtutes omnes compendiō tenes, omnes  
in Te suum fastigium habent, omnes sunt in  
gradu eminenti. Altissimas de bono Patriæ &  
Ecclesiæ cogitationes volvens, à solo alto de Te  
sensu es alienus. Præsulei honoris Culmen, supra  
multos Te extulit, sed nemini eripuit; ex quo  
etiam ad minimos Te demittis. Nil in Te muta-  
vit fortuna, nihil purpura trāsformavit. Manet in  
Te PRÆSVLE, quæ prior humanitas manebat.  
Exhibebas facilem ad Te singulis accessum, exhi-  
bes. Es, ut eras vultu benignus, & sermone af-  
fabilis in omnes. Hæret lateri Tuo, quisquis ac-  
cesserit, & finem ei sermonis, suus pudor, non Tu-  
us contemptus facit. Cum Deos propiūs acesse-  
ris, quod Deorum, & Tuum esse putas; alijs be-  
facere. Gratias & favores sub claustro non te-  
nes; bona fortunæ Tuæ, non bona censes, si ea  
ceteris non communicares. Opibûs Tuis vivunt  
inopes, divitijs pauperum Nosocomia ditantur.  
Ærrario Tuo Liberalitatem præfecisti, exclusō  
tamen luxu, qui opes disperdit, non dispensat.  
Aula Tua, quædam virtutum est Palæstra. Ne-  
minem ad Tua admittis obsequia, qui non sit  
virtutis sequax. Odisti talem comitatum, qui ex  
solis intaminatæ probitatis Comitibus non com-  
ponatur. Vetus juxta proverbium; exulet ex Au-  
la, qui volet esse pius; in Tua locum non repe-  
rit, qui nolit esse pius. Æstimas probos & gratijs  
cumulas, dulces capis cū eruditis cibos. Mēsa apud  
Te omnis, menſa proſitionum; omne con-  
vivium, convivium Platonicum est dicendum.




Illæ tantum sapiunt Tibi epulæ, quæ Sapien-  
tum sale, quæ eruditorum Capitum oleo condi-  
untur. Novus hoc sæculo literatorum Mæce-  
nas, in luventem literis instruendam, es munifi-  
centissimus. Hujus commodò, Convictum Iaro-  
slaviæ notabili fundasti sumptu, & cōservas. Vno  
isto munificentiae actu, tot perennia gloriæ Tuæ  
monumenta erexisti, quot ex illo Gymnasio, Pa-  
tria bonos Cives, Ecclesia eruditos recipiet vi-  
ros. Publica documenta sunt, quibûs Tuum in  
Patriam amorem, Zelum in Ecclesiam exhibes.  
Nec illa aliquem laudatissima pietas latet, quam  
Æstimatissimæ Tuæ testaris MATRI. Toties ad  
Illius venerationem descendis; pulcherrimo à Dijs  
ornatam senio, honore Tuo recreas, gratitudine  
solaris; Magna MATER, Te Filium quem genuit,  
lætissima adorat. Contra Solonis sensum, felix  
& beatus in vita es; qui nihil agis, nihil operaris,  
nisi juxta virtutem perfectam. Ergo Magne me-  
ritis, Magne virtutibus, avitis decoribus & gestis  
Tuis Illustrissime ANTISTES, tertium Præsuleum  
conscende secundissimè Thronum. Imple No-  
minis & Domus gloriam, maximis titulis SIE-  
RAKOVIVS. Ecclesiam meritis PRÆSVL,  
Patriam SENATOR longævus consilijs orna-  
tyratum Premysliensis Cathedræ Culmen,  
non sit ultimus Tuæ in Ecclesia Dei digni-  
tatis gradus. Imò è Voto Academico  
Gentilitia SAGITTA, altiora Sacri  
honoris fastigia, summis Tuis me-  
ritis, & Virtutibus designet.



















91  
410